

A1^r

Die vier büch^r
er Sexti Julii
Frontini des
Confularifchen Mans/
von den guten redten/
vnd Ritterlichen anſchlegen der gut^r
ten Hauptleut/ ausgezogen vnd
auff das kurtzt in Deudſch
Reim gefalt/ durch

Georg Motſchidler.

Wittemberg.

M.D.XL.

A2^r

Dem Durch-
leuchtigen Hochge-
bornen Fürften vnd herrn/ herrn
Johans Ernften Her-
tzog zu Sachffen/ Landgrauen in
Düringen/ vnd Marggra-
uen zu Meiffen etc. mei-
nem gnedigen
herrn.

WAs nutz vnd
frucht aus verlegung
der Alten löblichen
gefchicht vnd that-
ten/ erwachs/ Durch
leuchtiger Fürft vnd
herr/ fonderlich den
gewaltigen/ fo zu der Oberkeit/ vnd
Regimenten von Gott verordnet/ Ja
was nutz vnd erfprißlichkeit es dem
A ij gemeinen

A2^v

gemeinen man geberen mag etc. Bin ich Gnediger herr zu fagen zu vngeſchickt/ dieweil das von den höchertendigen vñ befehlen/ gnugſam vnd wol erweiſt/ wie vnwiderſprechlich vñ wie hoch/ die alten jrer vorfaren geſchichten vnd thaten/ wo (die verdunckelt gewefen) bewogen/ welcher meinung nicht allein Ptolomeus/ der fein liberey/ mit vnausſprechlichem koſten in Egipte gezirt/ deſgleichen Torquinius/ der drey Sibiliſche bucher/ dem Römifchen Radt/ vmb ein vn glaublich gelt erkaufft. Nit Julius Cefar/ noch Auguſtus/ allein die beide in den legern/ beſchribener geſchichten/ vnd redten irer Ritterſchafft oft vermandt haben/ Sonder auch Plato/ der die bucher des Phithagoriſchen Philolay/ vmb tauſent Cronen/ vnd Ariftoteles/ der die Philoſſophi Speufippi vmb achtzehnen hundert Cronen/ kumerlich erlangt. Dann nach dem Ariftoteles dem Theoſ

A3^r

dē Theophrasto/ die liberey vñ Schul
 gelaffen/ vnd als (Strabo vnd ander
 meinent) der erste samler der bucher
 gewest der die Konig Egipti/ die
 ordnung der liberey gelert hat/ dar
 nach hat Theophrastus die selben li
 berey Neleo vberlibert/ vnd Neleus
 die furter gen Scepsim/ zu vngenitten
 vnerfarnne/ leutten gefurt/ die sie ver
 warloften vnd nach dem Ptholome
 us Philadelphus/ die mit einer merck
 lichen anzal gemert/ So fint (als Se
 neca sagt) auff ein mal virtzig tau
 sent bucher (das dan ein fast schone
 anzeigung Koniglicher mechtigkeit
 vnd reichthummer gewesen sey) zu
 Alexandria verbrunnen/ daher noch
 heut zu tag ein gewis anzeigen/ das
 solche reichthummer bey vnerfarnen
 vngelerten vnd vnerftendigen leuten
 nie nichts gegolten/ vnd noch gel
 ten. Welchs aber der Durchleuch
 tigt Hochgeborn Fruft E. F. G. ge
 liebter herr bruder wol bedacht/

A iij welcher

A3^v

welcher Durchlauchtigkeit gnaden
die Lieberey/ auff der weit vnd hoch=
berümpften Vniuerfitet zu Wittem=
berg begnadet/ die mit Rentten/ zin=
fen/ vnd jerlichen auff heben/ verfor=
get/ dadurch die teglich gemert/
vnd das viel höher/ die allen liebha=
bern guter künften/ darin zufuchen
teglichen auffgepirt wird/ darin fih
denn ein jder belüftigen mag/ als in
einem wolgeplantzten luft garten/
rechter vnd warer künften/ alter vnd
newer gefchichten/ welche auch mit
dem aller fruchtbarften grund/ des
heiligen Gottlichen worts erbawen/
darin menniglich/ das vnuermal=
get/ beltendig/ tapffer/ gemüt/ Chur=
furtlicher durchleuchtigkeit fpüren
fol/ dan gemelte Lieberey/ obgenan=
ter nicht vnehnlich/ auch den preis
Deudfcher vnd Welffcher landen
wol haben mag/ Also find zugleich
nicht minder die thaten/ fo von den
alten erfarn Keifern Konigen kriegs
redten

A4^r

redten vnd der geubten hendel zu lob-
en/ vnd auffs hoheft zu preifen/ da-
her auch die alten weifen nicht on vr-
fach gefagt/ der felig den frembde ge-
ferlichkeit/ behutfam mach/ vnd der
fich ob anderm vbel peffer/ Derhalb
en die vier pucher Juli sexti frontini/
nicht minder zuloben/ die dann die ge-
gefchlicklichkeit der alten erfahren
hauptleut/ auff kurtzft vnd Subpti-
lift anzeigen/ der gefchwinden an-
fchleg/ redt vnd furwendung mir der
maffen gefallen/ das ich die auffs
kurtzft in deudfch Reim gefagt/ vnd
Ewern Fürftlichen Gnaden als mei-
nem Gnedigen Herren/ in vnterthe-
nikeit zugefchrieben hab/ denn ich zu
gering (Ewer Fürftlich wolgeadelt
gemüt fonderlich hochlößlich in Gott
erleucht/ das die von gefchwinder
vernufft geziert/ mehr zu preifen/ denn
es am tag leit/ eines vnwandelbarn
manlichen vnd trößlichen gemüts/
das mit allerley gefchicklichkeit/ welt-

A iiij lich

A4^v

licher/ Ritterlicher/ kurtzweil vñ hēdel
gezirt) in vermeidendē zweiffel/ Gott
der almechtig/ hab neben E. F. G.
herrn bruder dem Durchlechtigē
ften Churfürften/ Fürften vnd Regen
ten/ einen Starcken manliche/ tröftē
lichen gehilffen erwegt/ fein heilig
Göttlich wort/ nit minder den durch
E. F. G. vofarn hochlōblicher ge
dechnis/ wolle erhalten/ dem auch
weg/ weisheit vernunft/ Manheit vñ
Fürftliche gerechtigkeit verleihen/ die
auch des erften alters dermaßen be
rūmpt/ des die auch von hoheiten/
vnd Potentaten/ mit groffen verwun
dern gezirt wird/ darzu der ewig Gott
fein gnedig gedeien verleihen woll/
Vnd dieweil diefe vier bucher meldūg
thun/ hin vnd wider von allerley ge
fchickligkeit der guten haubtleut/ fich
auch auff allerley kriegs Empter/ wie
die befetzt verforgt/ geordnet/ was
gefchwinder anfchleg darwider ge
braucht werden/ in mancherley form
von

A5^r

von Keifern vnd Konigen/ vnd doch die kriegs vbung am meiften durch die Romer vñ Cartagenenfer gefiert/ namhaffte/ vnd dapffere fchlachten gefehen/ alfo das fich Hanibal/ der von Carthago Hauptman rhūmen darfft/ das er auff ein tag fo viel leut erfchlagen/ das man deren ring mit Seftern aus müffen meffen/ vnd mit den todten prucken vber die waffer gemacht/ Derwegen fich Julius Cefar nit minder lobt/ der anzeigt in feinen kriegem/ Eilffmal hundert taufent/ neun vnd neuntzig taufent/ vñ etzlich hundert erfchlagen/ Was rūmpt fich dann Alexander Magnus der fchir den meiften teil der welt vnter fich gebracht/ was Scipio Affricanus/ was die Samniter/ Hifpanier/ Gallier vnd Parthier/ darin vngezweiffelt/ mancherley manheit erzeigt worden/ mancher helt gefehen/ mancherley anfehleg gehört/ So haben fich vnfer deudfchen nit minder/ mit Julio

A v Cefare

A5^v

Cefare vnd den Römern gedumlet/
dañ wieviel Steht/ fo vnzalbare feint
mit wunderbarem gluck/ hin vnd wi-
der erschlagen/ treffliche vnd mech-
tige heeren erftriten/ vñ mit gefchwin-
den ſcharpffen anſchlegen behaubtet
Vnd wie dann Cornelius Tacitus
do er der dendſchen gedenckt/ ſpricht/
das dieſelben durch jr Ritterlich vnd
tewre manheit/ den Römern inderhalb
zehnen jahren/ viel mehr ſchaden zuge-
fuget/ dann die Carthaginenſer/ Hiſ-
panier/ Gallier/ Samniter oder Par-
thier/ wie dañ deren anſchleg manch
erley hirin begrifen/ denn die freiheit
der teudſchen ſpricht er/ iſt viel grim-
mer/ dann das Reich Arfacis/ oder
der Parthier/ Dann was iſt der Röm-
er prangen/ vnd was mügen ſie vns
mehr furwerffen/ als ein Römer/ den
ſie den hauptman Craſſum mit/ fei-
nen hehr erschlagen/ Derwegen hat
ſie vnſer Vendidius nit minder er-
zaufft/ deñ drey gewaltige feldſchlacht
abge-

A6^r

abgewunen/ das heer mit dem jung-
 en König Pacoro erschlagen/ Aber
 die teudfchen haben vns erschlagen/
 gen/ C. Pap. rium Carbonem/ L.
 Caffum Lingnium/ M. Emilium
 Ca. Manlium/ Schaurum Horten-
 fium Q. Seruilius Cepronem/ C.
 Manliū Maximum die funff Burger
 meifter sampt jren heern/ mehr Melt
 Lucius Florus/ Swetonius/ P. Vel-
 leius vnd andere/ das in zweien Rö-
 mischen heern/ als fur achtzig Tau-
 sent ftribarn/ vnd fechtzig Taufent
 gefind nicht mehr dan zehen dauon
 kamen/ die die niderlag angezeigt/
 ich mein ia/ das heis erpurtz/ vnd in
 Summa/ fo find die Deudfchen von
 anfang jres namens redliche/ wehr-
 liche/ weidliche leut gewefen/ bey de-
 nen traw/ glauben/ behutfame ge-
 rechtigkeit/ bisher befunden/ vnd al-
 fo der erfaren/ fo der vnd ander ge-
 fchichten befehen/ der kan erzelen/ wie
 (vor zeitten) in andern dergleichen
 fellen

A6^v

fellen diefen vnd jenen ergangen/ daraus auch zu allen fachen/ weis geschicklich zuradten/ Sampt dem das auch die Hiftorien guter anfhleg/ von nöten zu befchreiben/ Damit die erlichen vnd löblichen tatten/ die fcharpffen fin/ hoher gefchwinder verftentnus hochlöblichen Retten/ der grosmechtigen Keifern Königen Fürften vnd namhafften helden/ nicht gentslich abgehen/ dawegen aber die bosheit vnd graufamen wüterey vber vnd andern des Türckifchen Keifers vnmenfchliche Tyranny vnd wüterey offen werd/ denn der mit vnauffherender Rachfal/ bey menfchem gedechtnus/ fouiel lands on widerftand erobert/ Als Rodis/ Malta/ Negropont/ Modona/ vnd fchier das halb Apulia eingenomen/ on das fo er in Vngern getrifft/ das er bey den alten Deudfchen wol gelaffen hett/ wieviel manlicher Fürften haben vorzeiten/ dem Türcken vnd

A7^r

vnd andern vngleubigen abbruch ge
than/ als löblicher gedechtnus/ Her-
tzog Gottfrid von Lutringen/ zu den
zeitten Keifer Heinrichs des vierten/
nachmaln Keifer Friderich der erft/
Barbarofa genant/ ein Hertzog aus
Schwaben/ auch Friderich des na-
mens der ander/ demnach Keifer
Sigmund zu zweien molen/ vnd
König Ladislaus von Vngern vnd
Beham/ der vor Varna erfchlagen
vnd frifcher gedechtnus König Lud-
wig vor Mohatz/ vnd wiewol es jn
nicht allen wol ergangen/ ift vnfer
vneinigkeith vnd vntrew fchuld/ fo ha-
ben fie fich doch auffs trewlichft dūr
gewagt/ Hiemit Gnediger Fürft
vnd herr/ wollen Ewer Fürftlich
gnaden meinen geringen (doch wol-
meinenden) dienft gnediglichen be-
gnaden in gnedigen willen verftehen/
deren Fürftlichen gnaden Gott/ weis-
heit/ vernunfft/ verftand/ manheit
in

A7^v

in Langwiriger gefundheit gnediglich
erhalten wol/ Befiel mich E. F. G.
in vnterthenigkeit/ Geben Wittem-
berg den 23 Aprillis.

Anno M. D. xl.

E. F. G.

Vntertheniger

Buchfemeifter
Georg Motfchidler.

A8^r

Zu lob dem Haus

zu Sachffen.

[Holzschnitt]

Dieweil der menſch auff erden lebt
Vnd der vogel im luffte ſchwebt/
Dieweil auch ſcheinet Sonn vnd Mon
Vnd der himel vmb thuet gan/
Wird bleiben ewiglich dein nam
Darzu gros lob on alle ſcham.

A8^v

Sexti Julij Frontini des
Confolarifchen Mans feiner
Ritterlichen anfchleg.

Das erfte buch.

Von verpergnug der Hauptleut
Redt vnd anfchleg.

Marcus Catho.

Als Marcus Porcius haubtmā war
Vnd er dem Rōmifchen Reich gar/
Hifpania vnd viel der Stedt
Mit krig vñ ftreit bezwungen het/
Vnd er auch forcht jrn ftoltzen fin
Das fie nochmalen wider jn/
In neue krieg vnd ftreit begeben
Jr beften Sted fich vberhebn/
Schrieb er in fonder jder Stadt
3uuorn welch befte polwerck hat/
Das fie jr werd bald nider brechn
Vnd dis fein ernft meinung fechen/
Wo fie das auch nicht gar bald thetn
Mit Sturm ftreit wolt er fie nōtten/
Befahl

B1^r

Befahl auch das einer jden Stad
 Zugleich eins tags geantwort ward/
 Also vermeint ein jder fleck
 Jr wer allein folchs auff gelegt/
 Sonft hetten sie sich auch vielleicht
 Solcher gebot gantz vngelcheucht/
 Sich ferner mügen binden zam
 Mit dem er aber das furkam/
 Denn jde Stad das wol bewegt
 Meint jr wers allein auffgelegt.

Hamilcar Hanibals
 Vater.
 Hamilcar Hanibals vater war
 Darmit er vnuerfehen dar/
 Siciliam mit feinen claffen
 Mit krig vñ ftreit des bas möcht falfn/
 Thet er feim kriegs volck nicht verkundn
 Wo jm gedancken fin hin ftundn/
 Sonder gab er verchloffen nor
 Ein brieff jdem jubernator/
 Darinnen ftund/ wo er hin wolt
 Befahl jn das ein jder folt/
 Keiner den brechen noch auff thun
 Es wer dann fach es ftis sie an/

B Vnge

B1^v

Vngewitter oder fort thun
 Als dann fol jder fehen nun/
 Was im den feinem brieff nu ftehn
 Wie er feins haubtmans fchiff auch fön/
 Das fie dann wie gemelt hiefur
 In Sciliam fchiffen nur.

Caius Lelius.

Als gen Siphacen zihen wolt
 Caius Lelius als er folt/
 Furt er fchnell vnd behendig
 Etlich Römer kriegs verftendig/
 Der feind leger zukunden fluchs
 Vnter den einer was ein luchs/
 Luoius Statorius genant
 Der den feinden fehr wol bekant/
 Vnd gegen jn in argwohn kam
 Als bald folchs Lelius vernam/
 Er jn wider den argwohn nem
 Thet er als ob jm folchs nicht zem/
 Lies Lucium mit ftecken fchlagen
 Welchs fonft ein jder war vertragn/
 Der dann ein freier Römer war
 Deshalb fie jn nu hiltten gar/

Fur ein

B2^r

Fur einen knecht/ vnd nicht fur frey
 Deshalb er jn auch wonet bey/
 Vnd alle fach von jn vernom
 Das Lelio zum beften kom.

Tarquinius Super-
 bus.

Als der Konig Tarquinius
 Der gendan war der Superbus/
 Nach dem fein fon erobert hat
 Gabia die gros mechtig Stadt
 Die burger sich zufam gefeltn
 Dem jungen auch zu wider fteltn/
 Schickt der jung ein potten hin
 Lies jm verkünden jren fin/
 Wie das die bürger in der Stadt
 Nit folgen wolten feinem radt/
 Begert also vom vater fein
 Das er jm drinn wolt retlich fein.

Als nu der bot zum Konig kam
 Der vater auch von jm vernam/
 Wolt der Konig niemand vertrawn
 Sein heling auff den botten bawn/
 Sonder furt er den botten hin
 Hienaus wol in den garten fein/

B ij Darin

B2^v

Darin gar viel der mahnkopff ftundn
Ein fteckn het der Konigin handn
Darmit fchlug er den grōften haubtn
Die kōpff hinweg vnd das lie fchnaptn/
Saget dem botten ongeuer
Er dūrfft keiner andrn antwort mehr/
Der bot on antwort wider kam
Tarquinius von jm vernam/
Was denn nu fein vater thet
Das er jm nichts entpotten het/
Der bot der zeigt dem jungen an
Was er den vater het fehn thun/
Daraus der fon wol kund verftan
Er folt den burgern alfo than/
Lies die von ftund vnd als bald fahn
Vnd jnen alln die kōpff abfchlagn/
Darmit er furbas alweg frey
Der Gabiorum herr möcht fey.

Vendidius.

Als im partifchen krieg zuuorn
Vnd widr den Konig Pacorum/
Vendidius der Rōmifch herr
Wuft fehr wol/ vnd das auch er/

Vnter

B3^r

Vnter jm het verrheter gros
Vnd der al ding/ was er befchlos/
Den Partis schriftlich machet kund
Dar gegen erdacht er bald ein fund/
Füret er doch die vntrew gros
Zu feinen nutz es jm erfchos/
Denn das er am liebften thet fehen
Stelt er sich/ es wurd nicht gefehnt/
Vnd was zugefchehen er nit wolt
Stellet er sich vnd das es folt/
Gefchehen nur nach feim begern
Darmit er den feinden thet wehrn/
Vnd fie durch jr vntrew thet effen
Vnd lag jn ob in allen treffen/
Denn was durch jr verreterey
Gehandelt wurd/ als folt es fey/
Nochteilich jrem feind zufchad
Das kam jm als zu groffer gnad.

Mittritates.

Als Mittritates von Pompeio
Belegt ward allenthalben do/
Als er ein nacht dann fliehen wolt
Vnd doch der feind nicht wiffen folt/

B iij Sei

B3^v

Sein flucht/ vnd jn die mōcht verheltn
 Von Rōmern/ lich als bas mōcht fteln/
 Furter des felben tags mit macht
 Ein polwerck gros/ bis an jr wacht/
 Stis auch den felben tag on won
 Mit den Rōmern ein theiding an/
 Lies auch die felben nacht im hehr
 Viel mehr dann vor/ machen feuer/
 Dieweil die Rōmer on argkwon
 Warn/ zoger vmb mitnacht daruon/
 Durt on fchaden fein volck von dan
 Fas er fonft nicht het mügen thun.

Domicianus Augu^s
 ftus.

Domicianus Auguftus zwar
 Als der Rōmifcher Keifer war/
 Der deudfchen hehrzug het betracht
 Dnd er jn liebern wolt ein fchlacht/
 Setzt er jm fur gantz vnd gar
 Würden fie feiner zukunfft gwar/
 Sie würden fein nicht erpeitten
 O der mit jm fchlahen ftreiten/
 Vnd wo fie ye ja darzu dōchten
 Vnd als der ernfthaffter fein mōchtn/
 Verparg

B4^r

Verparg er hemlich feinen zug
 Vnd braucht darin einen betrug/
 Lies auschreien im gantzen hehr
 Wie das der Keifer willens wer
 Entpfangen wolt Tribut vnd zins
 In Gallien das wer er fins/
 Das jn die deudfchen fehr verlachtn
 Die andern Rõmer fehr verachtn/
 Das dem Keifer freud erwegt
 Wurden durch jn gschlagn erlegt/

Metellus.

Als Metellus in hispania lag
 Alda gepûrlich krigs recht pflag/
 Vnd er gefragt ward von eim knecht
 Was er morgen zuthun gedeckt/
 Sprach er/ wens mein rock wiffen wolt
 Furwar ich den verbrennen folt.

Marcus Licinius

Craffus.

Der wurd gefragt von einem knecht
 Vnd wenn er fort zu zihen decht/
 Sprach er/ ich halt du forchft vielleit
 Das dirs die druml zu bald bedeut.

B iiij Von ver=

B4^v

Von verderbung der
feindt anfehge.

Das ander Capittel.

Scipio Affricanus.

Als Scipio der Römer werdt
Sein botſchafft ſchickt vnd wie er gert/
Zu Siphace dem König gros
Macht er ein gemeinen auffchus/
Von denen die waren behendig
Kriß geubt/ vnd wol verftendig
Die do ſolten fehen nûr
Die macht des Königs vnd fein hehr/
Als ſie nu lieffen hin vnd dar
Vnd wie das leger glegen war/
Befehen möchten ſie zuftund
Bald ſie erdachten einen fund/
Liefens ein roß mit allem fleiß
Ledig lauffen auff ſolche weiß/
Vnd jagten dem gar feindlich nach
Als wern zufahen jn gantz jach/
Vmb bluffen alfo den größten theil
Jres hehrs in kleiner weil/

Erkundten

B5^r

Erkundten sich sie aller stet
 Da von Scipio figen thet.

Quintus Fabius

Maximus.

Als Quintus im hetrurischen streit
 Lag unbekant/ vnd sein haubtleut/
 Vnd jn auch waren unbekandt
 Die listigen weg in dem landt/
 Schicket er sein bruder behendt
 Den man Fabium Cefonem nent/
 Gantz geschickt von wenig jarn
 Doch der selben sprach wol erfarn/
 Vnd kleidet jn auff folche art
 Als hetrurier kleidung wardt/
 Schickten den in folcher gestalt
 Allein durch den Ciminischen walt/
 Vnd das er dem mit allem fleis
 Befehen Holt/ zu jrem preis/
 Vnd das der jung so wol bedacht
 So weiflich alle sachen volbracht/
 Das er Camertes vnd Umbros
 In gefelchafft bracht der Römer gros/
 Die vor warn jre ergfte feindt
 Die wurden jtzt jr beste freundt/

B v Cartagi

B5^v

Cartaginenfes.

Als die von Carthago merckten hie
Die groffen macht Alexandri/
Vnd des fie trugen kein gedult
Das er Affricam krigen wolt/
Welften fie anders nicht zuthun/
Sonder namen ein weifen man/
Furtreglich weis in zucht geper
Der landfchafft ein Rodifer/
Vnd das fich der begeben wolt
Vnd zu dem Konig zihen folt/
Stellen fich als wer er verwilln
Vnd fich mit aller weisheit fliffn/
Auff das er doch zu freundfchafft kem
Vnd jn der Konig zu gnadn nem/
Als er nu das erlanget het
Sein vewandten er zu wiffen thet/
Was des Konigs anfhleg warn
Vnd der fie bhilt von groffen gfarn.

Marcus Cato.

Als Cato in Hispania lag
Vnd da kein ander art nicht lag
Vnd jm

B6^r

Vnd jm verborgen war gar ſchwer
Was doch der feind furnemen wer/
Schuff er behend mit dreyhundert man
Das ſie als bald ein Station/
Oder wie mans nent/ im krieg ein ſcart
Vnd jnen vberfallen wardt/
Von das ſie fehen vnd auch dechten
Vnd von den feinden einen brechten/
Dem lies er an thun marter pein
Das er jn ſagt den heling fein/
Vnd wies im leger wer gefalt
Das er doch ſonſt nicht alfo bald
Erfaren het/ vnd als ers gert
Das wurd er hie gantz wol gewerht

Caius Marius.

Als Caius Marius hin vnd dar
Jm krig wider die Cimbros war/
Vnd die deudſchen wie mans nent
Auff das aber Caius Marius kent/
Der Gallier vnd Ligurier drey
Wie bftendig ſie im wenten bey/
Vnd er ſie auch verfuchen wolt
Vnd was er auff ſie halten ſolt/

Schickt

B6^v

Schickt er jn zu in zweien schreiben
Gepot jn auch bey jren leibn/
Das sie sein ernfte meinung fehn
Den einen brieff von ftundan prechn/
Darnach sie sich denn folten richtn
Den andern aber gar mit nichtn/
Prechen folten/ noch auff thun
Er wûr sie das denn wiffen lan/
Des andern tags er wider holt
Vnd er jr meinung wiffen wolt/
Do warn sie gebrochen bedt
Darumb er auch kein hertz mehr het/
Zu jnen recht noch gut gedancken
Das sie wurden von jm wancken/
Vnd zu den deudfchen schlagen nur
Darumb er sich auch hûtet vor.

Paulus Emilius.

Als Emilius Paulus da
Vnd vor der Stadt Colonia/
Jm hetrurischen krig nu merck
Verfuchen wolt der feinde fterck/
Vnd als er von dem vorteil sein
Ein eben weit wolt nemen ein/

Als er

B7^r

Als er sich sach in dweittten vmb
Sicht er der vogel groffe lum
Schnel auff ftan/ vnd fligen bald
Als het mans jagt wol aus dem wald/
Darbey er auch kand mercken baldt
Vnd das die feind ein groffen halt/
In dem wald getoffen heten
Darumb die vogel fligen thettn
Darwider er auch boten fand
Alfo dardurch die warheit fand/
Das der feind in liften argk
Ein hauffen zehen taufernt ftarck/
Die/ die Römer in eng den wegn
Angreffen foltn darnider legn/

Mie man fol die ftadt
des ftreits bewarn/ vnd
nit wechfeln fol.

Das ander Capitel.

Alexander

B7^v

Allexander Mangnus.

Als Konig Alexander gros
Ein freidig hehr het vbr die mas/
Vnd wo er lag in der welt weit
Erwelet er jm zu dem ftreit/
Ein quemen ort der jn nit trug
Vnd er lich mit den feinden schlug/
Er durch fein vortl den feind môcht effn
Vnd jm oblign in allem treffn.

Julius Cefar.

Julius Cefar jm bürgerftreit
Wiewol er het geübt krigsleut/
Vnd die feinde an jren fcharn
Der meifte teil news kriger warn/
Derhalb er jm alweg gedacht
Zu ftreiten mit vermesner fchlacht.

Fabius Maximus.

Der Rômifch Conful fo genent
Der Hanibals gros weisheit kent/
Das er durch hilff des gluckes facht
Wiewol er auch ftarck on der macht/
Nam er

B8^r

Nam er jn fur mit fleis der gftaltn
Der fchlacht vngwis fich zuenthaltn/
Es thet denn ye fo gros von nõttn
Allein Italam zu rettn/
Darumb er auch im hehr wurd gnent
Vnd durch das gantz hehr wurd erkend/
Das er hinfur zu aller zeit
Cunctator gnent wur zu dem ftreit/
Das er nit acht/ vnd nit verdarb
Dardurch auch ehr vnd preis erwarb

Bitzanzi.

Als die wider Philippum fritten
Von dem viel gwalt betrangung litn/
Hetten fie der grentz gar kein acht
Vnd hütten fich auch vor der fchlacht/
Sonder fie fich vber die mañ
Jn jren mauren fich verchloffn/
Wiewol jr feind jr hart begert/
Noch wrud er von jm nie gewert/
Darumb er auch verdroffen ward
Durch verzug der belegerung hart/
Vnd er alfo muft ziehen ab
Die Stad jm gern vrlaub gab.

Haftrubal

B8^v

Hafrubal.

Als Hafrubal Giskōnis Ion
 Als im andern Pinifchen krieg nu/
 Teilt aus das vberwunden hehr
 Das nit dacht zu der widerwehr/
 Leget er fur die nehften ftedt
 Als Scipio gros wunder het/
 Von belegerung fo viel der ftedt
 Darumb er dann auch wurd genōt/
 Vnd durch den list betrogen ward
 Das er verlis fein wacht vnd fcharckt/
 Wurd also in den gefaltn
 Von Hafrubal frey auffgehalten/
 Das er wider feines hertzen luft
 Jns winter leger ziehen muft/

Themiftocles.

Themiftocles gantz wol erwag
 Die zukunfft Xerxis nach der fag/
 Aus Perfia des Konigs gros
 Wie bald er felbs bey jm befchlos/
 Vnd als er bey jm mercken thet
 Das er zum ftreit kein leut nit het/
 zu bhut^z

C1^r

zu bhüttung landts noch zur wacht
 Weder zum fturm noch zurfchlacht/
 Rit er jn/ in trewen maffen
 Jr ftadt gantz ôde lehr zu laffen/
 Das pot er bey hohen penen
 Vnd zogen in die Stadt Trofenen/
 Do funden fie noch mehr der leut
 Die gefchickt warn zum fturm vñ ftreit/
 Des Konigs auff dem land nit erpeitn
 Sonder mit dem/ zu waffer fritten/
 Das der Konig nit was gewont
 Damit erretten fie jr landt.

Scipio.

Als Hanibal in Jtalia lag
 Vnd Scipio des krigs pflag/
 Vnd furt fein hehr in Affricam
 Ein newen lift er fur fich nam/
 Die Carthaginenfes er nôt
 Sie mordet/ wûrget/ vnd auch tôdt/
 Vnd thet jn auff fo viel der plag
 Auff das fie jrem hauptman nach/
 Schicken muft vnd begern
 Das er jn wolt helffen wehrn/

C Vnd for^z

C1^v

Vnd forderten den wider ab
 Das Scipio jn als zugab/
 Also bracht Scipio on schand
 Den krig von heimpt in der feind land/

Lacedemoni.

Als die Lacedemonier schnell
 Hatten belegert ein Caftel/
 Gantz felt/ der Athenier ward
 Vnd sie draus befchedigten gantz hart/
 Kundten die von Athen nicht laffen
 Schicktn geruft zum freit ein claffen/
 Das mit krig vnd auch mit freit
 Peloponnesum rechter zeit
 Bekriegen folten vnd beschwern
 Als jn nu folchs kam zuhörn/
 Forderten sie an allen scham
 Das hehr zu Decelia haem.

Mie man das hehr fol
 furen durch end/ fo dem feind
 vngelegen vnd wider fein.

Das vir=

C2^r

Das virte Capitel.

Emilius Paulus.

Emilius Paulus der herr
Als er wider die Lucaner
Bey dem gftat vnd bey dem Meer
Wolt furen durch ein eng fein hehr/
Die Tarentiner aber bald
Auff sie ftiffen mit einem halt/
Vnd sie in der eng wolten falfn
Befchedigen sie mit jren claffn/
Mit diren der sie warn gewan
Vnd die man nenet Scorpion.
Vnd der sie hetten mehr dann viel
Bedacht er sich in kurtzer eil/
Befetzet er die feinen wol
Auff der feittn vnd vberal/
Mit den gefangen die er het
Wie weh es jn von hertzen thet/

C ij Das sie

C2^v

Das sie jre bunt genoffen
Mit gifft vnd auch mit gefhoffn/
Sie zum erften tödten folten
Das sie doch in kein weg wolten/
Dieweil dem Conful wurd die weil
Das er fur vber kam in eil.

Agefilaus.

Als Agefilaus der werd
Mit gut vnd raub/ gantz wol belchwert
Wider zog aus Phrigia
Vnd jm die feind nacheilten da/
Vnd jn zu ftreit auch reitzten fehr
Befetzt auff beiden leit fein wehr/
Mit den gefangen die er het
Als nu der feind verfchonen thet/
Jr gutten freund vnd die sie kantn
Die Lacedemonier mantn/
Ein ander fehr zu ziehen fort
Mit gluck sie kamen an jr ort/
Zugleich er den Thebanus thet
Als die/ die eng beleget het/
Durch die der hauptman ziehen folt
Stelt er sich gleich/ recht als er wolt/
Sein hehr

C3^r

Sein hehr furen auff Thebis zu
Das die Thebaner merckten nu/
zogen sie ab mit hut vnd wacht/
Als er nu merckt/ sein würd nicht gacht/
Wend er sich mit sein gantzen hehr
Kam durch die eng/ on widerwehr.

Nicoltratus.

Der Etolier haubtman wolt
Wider die Epirotas folt/
Ziehen mit aller macht/ ins land
Der weg was eng vnd vnbeland/
Ruckt er mit seinem zeug nu fort
Als ob er wolt ein ander ort/
Zu seinem vorteil nemen ein
Auff das die Epirotas kein/
Gedancken mehr/ dahin nicht hettn
Vnd sie jr volck auch furen thettn/
Zum selben ort jm auch zu wehrn
Thet er sein hauffen wider furn/
Durch die eng mit aller macht
Vnd kam hindurch das niemand dacht.

Audophräu

C3^v

Audophraudates.

Der Perfier haubtman fo genand
Vnd er in Pifidiam fand
Die Pifide mit feim volck tratzt
Hettens die enge wol befatzt/
Das er darumb auch laffen muft
Zuziehen nein/ wies jm geluft/
Als er nu merckt jr befatzung recht
Furt er zu ruck all feine knecht/
Als wolt er wider ziehen ab
Das Pifidis verachtung gab
Hetten auff befatzung gar kein acht
Das dann der haubtman wol betracht/
Sendet ein groffe macht furan
Die eng bey nacht einnemen than/
Das jm gerit/ vnd glucklich gefchag
Darauff furt er den andern tag/
Das ander volck vnd auch fein hehr
On hindernus vnd widerwehr.

Philippus Konig.

Konig Philippus Maoedonie
Als er hort das Thermophile/
Von fein

C4^r

Von feinden wol befetzet war
 Durfft nicht wagen folch gefahr/
 Forcht jm vielleicht es mócht nit gratn
 In dem fchickten zu jm Legatn/
 Die Etolis/ in gutem wandel
 Mit befehl vnd friedes handel/
 Als die jr werbung hetten nun
 Hies ers ein weil verziehen thun/
 Vnd eilt der Konig mit groffer macht
 Der engen zu tag vnd auch nacht
 Als nu der feinde jr fcart vnd wacht
 Farlefig hiltent tag vnd nacht/
 Wartn auff zukunfft jrer Legaten
 Dieweil dem Konig was geratn/
 Nam er ein gewaltiglich den Pafs
 Vnd den man nent Thermophilas.

Gneus Pompeus.

Als Pompeus am waffer lag
 Vnd er fein feind ftetz vor jm fach /
 Vnd doch vons feindes widerwehr
 Nicht nüber bringen mocht fein hehr
 Nam er fie an als kent er nicht
 Kein furt noch weg/ finden mit jtzt /
 C iiij Das auch

C4^v

Das auch die feind jm glaubten fehr
Warden als der verlefiger/
In jrer hut/ vnd jrer wacht
Als nu Pompeius das betracht/
Fiehl er gantz vnuerfehen an
Vnd ehe fich der feindt an het than/
Kam er hienüber one fchaden
Damit der feind wurd hart beladn.

Porus.

Porus Indier König gros
Wider König Alexander was/
Bey Hidafpe dem waffer dieff
Bey tag vnd nacht nicht viel fchliff/
Sonder mit forg behüttet er
Nicht nüber kem Alexander/
Als er nu folchs nicht kund wenden
Schuff er das fie an alln enden/
Stetz gegen dem waffer lieffen
Den feind mit gchrey zu fchlahn rieffn/
Als folchs nu kam in langen brauch
Das der König verachtet auch/
Behut allein gegn jm das gftat
Das Alexander kôm zu radt/

Denn er

C5^r

Denn er lieff an nach feinem brauch
Mit groffer macht croberts auch.

Xenophon.

Da Renophon am wasser krigt
Der feind jm auch schaden zufugt/
Vnd jm auch weret alle pefs
Das er nicht kôm in fein poffes/
Lies er mit fleis auch fuchen thun
3wen furt drin er môcht greiffen an
Ein oben/ der ander vnden war
Dauon fie trieben hin vnd dar.
Als jm nu die an manchem end
Durch listigkeit wur abgewent/
Keret er zum vntern zu
Vnd lies ein teil beim obern nu/
Als nu die feind vermeinten schlecht
Er wolt mit gwalt den vntern recht/
3ihen fort vnd fie beftreiten
3ogen fie mit jren leuten/
Zum vntern furt/ jm folchs zu wehrn
Das dann die obern fahen gern/
Dann der felben nicht wurd geacht
Die filen an mit jrer macht

C v Als nu

C5^v

Als nu der feind dran fah kein luft
 Vnd feinen hauffen teilen muft/
 Zu weren den im obern Paß
 Stellt fich der vnter feind nicht laß
 Vnd hiben alfo gleich zuhauff
 Das der feind muft hinterlich zauff
 Vnd bhilt den Paß wol xenophon
 Das jm vnd fein zum beften kôm.

Publius Claudius.

Der Rômifch Conful one lûg
 Jm erftn Carthaginenfer krig
 Mit feim volck ftarck von Regio
 Gen Maffena wolt fchiffen do/
 Die von Charthago hetten viel
 Volcks auff bracht/ jn gar fchneller eil/
 Das Meer befetzt an allen enden
 Der Conful fie nicht an dorfft wendn/
 Sonder forcht jr groffe macht
 Wie bald er jm ein lift erdacht/
 Lies er fich hören newer mehr
 Vom Senat jm befohlen wer
 Das er on des Senats befehl
 Jm kem dann wider botfchafft fchnel/
 Weiter

C6^r

Weitter in keim weg ziehen folt
 Dem er gehorfam leiften wolt/
 Vnd thet fein fchiff wider rucken
 Wolts wider in Jtalia fchickn/
 Als nu die feind fein fin/ den er
 Erfurn/ durch jr kundfchaffter/
 Hilten fie fehr verechtlicher
 Jr wacht zerftreuten hin vnd her/
 Durch verachtung jns darzu kam
 Das auch der Conful achtung nam/
 Da fis am wenigften trawten fehr
 Kam er nüber on widerwehr.

Philippus König.

Philip Konig mit meng feins hehrs
 Wolt fchiffen durch die eng des Meers/
 Vnd die man nent Cianns
 Aber die Athenier ehe/
 Komen warn mit jren claffn
 Das fie den feind werdten die paffn/
 Vnd lich der Konig furchtet fehr
 Vor macht vnd gwalt auch jrem hehr/
 Erdicht er ein briff behendt
 Vnd fchrieb antipatro fo genent/

Wie das

C6^v

Wie das die landſchafft Grecia
Wer vmbgeſchlagn vberal da
Jm gantz widerſpennig wern
Vnd jm auch weitter zu vnehrn/
Die macht vnd allen fein zuſatz
Erwurget hetten jm zu tratz/
So er hinter jm gelaffen het
Wie weh jm das von hertzen thet/
Drumb was er furgenomen het
Itzt fallen lies/ gantz auff der ſtedt/
Vnd eilend wider ſie ruften ſolt
Deffelben gleichn er auch thun wolt/
Verordnet fo den botten fein
Das er mit dem brieff kom hinein/
Jns leger der Athenier
Vnd ſprôch/ ſich het verjrrret er/
Solt ſich alfo zu jn nahen
Auff das ſie jn möchten fahen/
Welchs alfo mit allem fleis
Ausgericht war/ durch den bottē weis/
Als nu die feind den brieff gelaffn
Meinten ſie zu rechter maſſn/
Anders nicht ſie hetten gefiſcht
Vndts Konigs heling gar erwifcht/
Vnd glaubten dem erdichten brieff
Wolten das man von ſtund weg ſchiff/

C7^r

Jr volck vnd macht auff alle ttraffn
 Darin sie legten gar ein ploffn/
 Zu hindern jn an feiner reifs
 Dieweil legt er sein kundschafft weis/
 Als er erfur folchs nach der leng
 Schifft er on irtumb durch die eng.

Wie man aus fõrglich=
 en enden Erfaren fol.

Das V Capitel.

Quintus Sertorius.

Der Rõmifch haubtman der do wolt
 Vber einen flus zihen folt/
 Der weit in hispania leit/
 Darzu er het kein frift noch zeit/
 Denn er sich het also verweilt
 Das jn der feind het vbereilt/
 Vnd jm gantz auff der verfen war
 Furt er gar bald ein polwerck dar/
 Jn krümb eim halben circkel gleich
 Vnd furt darein ein tiffen deich/
 Vnd fült

C7^v

Vnd fult das aus mit holtz vnd pech
 Auff das der feind fein bieiben fech/
 Als er nu meind das niemand traut
 Zundt er an das polwerck das er baut/
 Mit fewr an/ vnd lies es brinnen
 Also der feind jm muft vergunnen/
 Zu ziehen vber diefen pafs
 Welchs dem feind gantz zu wider was.

Quintus Luctacius

Catullus.

Catullus ein Römer von art
 Als er von deudfchen gefchlag'n ward/
 Vnd jn der fchad fo fehr weh thet
 Auch zu der flucht kein hoffnug het/
 Denn auch fein volck gantz fehr verletzt
 So was das waffer wol befezt/
 Das er druber nicht komen mocht
 Wie bald er einen fund erdacht/
 Kuckt er mit feinem volck fo frey
 Auff'n nehften berg der lag darbey
 Vnd ftelten fich in aller maff'n
 Er wolt daffelbs ein leger ftoff'n
 Gebot den feinen on bewegen
 Soltn denn trofs nicht von jn leg'n.

Lies er

C8^r

Lies er auffrichten viel der zelt
Zu forderft etlich polwerck ftelt/
Nichts derminder gbot er recht
Das haubtleut vnd auch krigsknecht/
Das fie in guter ordnung recht
Stunden als die trewen krigsknecht/
Vnd jder acht auff fein fehnen het
Schuff das man graben werffen thet/
Gegen dem feind dem leger zu
Mit arbeit gros vnd mit vnrw/
Als folchs die feind mit augen fahn
Meintens er het das leger gchlag
Verlieffens jre ordnung fehr
Vnd zerftreuten fich hin vnd her/
Auff die furterung anders wo
Der halb im leger bliben do/
Jm leger wenig vnd nicht viel
Das Catolo ein ebenfpil/
Gedaucht vnd auch erfehen het
Ruckt er mit ordnung von der ftedt/
Fiehl ins leger mit aller rach
Erwurt erftach auch was er fach
Thet ju auch das leger plundern
Kam vbers waffer on verhindern.

Crefus

C8^v

Crefus.

Von lidien Konig Crefus gñand
Als er vbers waffer vnbeland/
Halim/ mit feinmn volck zihen folt
Der feind jn nicht nüber laffn wolt/
Sonder zog jm von fern nach
Vñ doch der Konig kein hilff mehr fach
Vnd er auch het kein fchiff noch pruck
Gedacht der feind wur jn beruck/
Lies er ein tieffen graben eilend
Zwifchen dem feind vnd jm behend/
Auffwerffen tieff/ mit aller gewalt
Vnd leitet alfo mit gefalt/
Mit groffer mühe das waffer drein
Das er vorm feind möcht ficher fein/
Vnd rucket er mit aller macht
Vber das waffer vngefchacht.

Lifander.

Lifander der mit al fein claffn
Die von Athen theten falln/
Vnd jn am port heten belegt
Vnd mit vberfal fehr erfchreckt
Vnd auch

D1^r

Vnd auch das Meer was faft fehr eng
 Sein kriegsleut auch in groffem dreng/
 Hies er fein krigsleut alzuhand
 Heimlich tretten auff das land/
 Vnd lies fein schiff von diefem ort
 Auff redern furen zu dem port/
 Theten also mit liften fliehen
 Vnd feine schiff weiter ziehen.

Von halt ftoffen.

Das VI Capitel.

Fulius der edel Römer
 Als dar aus Samio fein hehr/
 In die Lucaner furen wolt
 Vnd er sich mit jn schlagen folt/
 Vnd zuuor die schlacht het gewonnen
 Wurd er bericht/ durch die enttrunnen/
 Waren von den feinden fein
 Das sie fein letzten hauffn allein/
 Angreifen wolten vnd bestahn
 Hies er die sterckften Legion/
 Ziehen vor/ Den drofs hinden nach
 Darumb den feinden auch was jach/
 D zu raub=

D1^v

Zu rauben sie aus der begir
Vnd plundern den drofs gar fchir/
Het er zu beiden feiten recht
Auff jder funff rott guter kuecht/
Geordnet den befohlen war
So der feind nu gantz vnd gar/
Geraubt vnd auch geplundert het
Das sie dann eilentzts an der ftedt/
Sie angriffen vnd hinterzihen
Auff das der keiner mocht entpfliehen/
Das dann sie theten vnd gefchach
Der feind man keinen leben fach/

Boy.

Die Boy hatten den gewalt
Vnd lagen in licaner walddt/
Wolten sie dem Römischen hehr
Vergunen nicht mit gegenwehr/
Die sie dan möchten zuziehen hoffn
Darumb sie sich dann all verchloffn/
Hetten sie den groffen wald
Gefeget vnd gehauen bald/
Hetten die baum also durcheckt
Leichtlich zu fallen die bewegt/

Als nu

D2^r

Als nu der feind den trutz thet wagn
Vnd sie darin verporgen lagen/
Feltten sie so vmb die baum
Darein der feind môcht komen kaum.

Wie sich das krigsvolck
vor abgang vnd mangel bewarn
auch dieselben/ wenden vnd
beffern fol.

Das VII Capitel.

Lucius Metellus.

Lucius Metellus der herr
Als er gern vber ein waffer
Gewefen wer/ nicht fort kand ruckn
Dann er het weder schiff noch bruckn
Das er Elephanten vnd hehr
Nüber môcht brengen zu der wehr/
D ij Thet er

D2^v

Thet er sich nicht lang befinden
Lies etlich fals zufam pinden/
Leget darauff gros baum vnd ladn
Furt die fein nüber on schaden

Hanibal.

Hanibal der tewer haubtman
Als der an ein tieff waffer kam/
Sein Elephanten kont er nicht nōttn
Sie hetten sich ehe laffen tōdtn/
Denn das sie in den tieffen fluß
Wolten treiben laffen was vmb fuß/
Schuff er das man den grimmigsten
Verwundet ein Elephanten/
Vnd das der so den Elephant
Verwundet het/ fchwum allzuhandt/
Flihen folt ins waffer bas
Als nu das thier verwundet was/
Vnd sah nu den der jn verwundt
Jns waffer fliehen zu der ftundt/
Eilt er jm nach/ sich zu rechen
Als nu das die andern fechen/
Fiehlen sie an all in gemein/
Mit grimmen in das waffer nein
Mit diefer

D3^r

Mit diefer gſchicht brach Hanibal
Die thier hienüber allzumal.

Alexander.

Konig Alexander mit feim hehr
Zog durch die wüſten/ ftarck mit wehr/
Durch die wüſten in Affrica
Vnd die fein liten mangel da/
Mangel gros on waffer recht
Bracht jm von fem ein trewer knecht/
Ein waffertrunck in einem hut
Sprach der Konig/ das wer nicht gut/
Das ich allein durft leſchen folt
So mein volck billich haben folt/
Vnd gos alfo das waffer vmb
Durch welche trew in einer fum/
Der gantze hauff fo ward bewegt
Das jder den durft von jm legt/
Vnd lidten ſich gantz willig gern
Darmit er thet fein trew bewern.

Wie man fol teilen die
feindt.

D ij Das

D3^v

Das VIII Capitel.

Corilanus.

Diefer vmb fein miffethat
Als er aus Rom verwiefen ward/
Vnd er die fchmach auch rechen wolt
Befahl er/ das ein jder folt/
Von feinen knecht fich vnterftun
Er wolt den Romern fchaden thun/
Befahl er durch das leger behend
Das der gmein guter wurd verbrend/
Thet fie auch trewlich vermonen
Das fie trewlich thetn verfchonen
Vnd fie darumb gar fleiffig bat
Das fie was ghõret/ dem Senat/
Auffs fleiffigt auch verfchonen woltn
Dardurch meint er vnd das fie foltn/
In der ftadt fich zweien fehr
Vnd in verdechnus mehr vnd mehr/
Komen folten wachfen zufam
Vnd das gefchach er jn auch nam/
Jr einigkeit

D4^r

Jr einigkeit vnd fsetten fried
Darumb er sich auch rach damit.

Hanibal.

Do Hanibal sich het gelterckt
Vnd Fabio fein list abmerckt/
Gegen jm lag mit groffer macht
Vnd er sich doch zu keiner schlacht/
Begeben wolt noch jn bekriegen
Vnd er jn sonft nicht mocht betriegen/
Auch er jn sonft mit keinem heil
Abfehen mocht seinen vorteil/
Vnd vntertund bey tag vnd nacht
Wie das er bröcht jn/ in verdacht/
Gegen den Römern guter zeit
Lies er die gutter fern/ vnd weit/
Verbrennen/ verwuften/ verhern
Was Fabio was/ thet er wehrn/
Das sie derfelbn verfhonen thet
Meinet also die Römer hettn/
Darob ein schew/ vnd auch ein verdrus
Das was veracht/ vnd gantz vmb fuß

D iiij Von Römern

D4^v

Von Römischen
Legaten.

Als die Römischen Legaten
Bey König Anthiocho hatn/
Dem König viel zu zeigen an
Sie fried zu machen vnterftan/
Als sie aber nicht kunten wehrn
Das Hanibal zu feinen ehrn/
Dazumal was beim König wert
Vnterftunden sie mit geuert/
Zu reden viel mit Hanibal
Vnd das König mercket bald/
Vnd schickten sich die Römer frey
Das sie jn allzeit komen bey/
Jn anzufprechen an den ortn
Verdehtlichs war mit jren wortn/
Darmit richten sin König ab
Der Hanibal kein glauben gab.

Von hinderung vnzeit-
licher schlacht.

Das IX Capitel.
Quintus

D5^r

Quintus Sertorius.

Der Romer feind Sertorius
Als der den Römern viel verdrus/
Gethan het im felde weit
Vnd feine reutter dauch auch zeit/
Das sie die Römern fchlagen foltn
Vnd fchrien fehr wie des sie woltn/
Sie fchlagen lenger nicht verziehn
Das doch der haubtmā daucht zuflihn/
Dann vor jm fach er den feind argk
Das sie jn warem viel zu ftarck/
Auff das er jn aber willet
Jr vnzeitlig begern ftillet/
Schuff er bringen fur fich her
Ein fchwachs ein ftarcks werē zwey pfer
Schuff er mit zweien ftarcken knechtn
Vnd fagt jn also das sie dechten/
Der ein folt nemē dem rofs den fchwantz
Vnd den raus reiffen gar vnd gantz/
Das er aber möchte enden nit
Der ander folt auff feiner feit/
Dem andern rofs den fchwatz ausrupffn
Eintzlicher herlein aufer zupffn/

D v Das doch

D5^v

Das doch mit kleiner mühe gefchach
Als nu das meniglichen fach/
Sprach der hauptman obgenent
Alfo ir Ritter hie erkent/
Was dis furnemen in jm hab
Vnd nempt auch gwislich bey ab/
Das wir den Römern nicht mit macht
Abgwinen mugen mit der schlacht/
Allein eintzlich sie zwicken recht
Dardurch jr hauffen wird geschwecht/
Alfo er sein volck mit geschaid
Von jrem furnemen ableidt/

Scorilo.

Als Scorilo viel krigens pflag
Wider die Römer zu felde lag/
Vnd die sein nicht mochten peitten
Schlecht mit den Römern wolten freitn
Vnd zeigten jren hauptman an
Er folt sie schlagen laffen thun/
Dann sie felbs nicht einig wern
Das muft der hauptman teglich hörn/
Als er nu horet jren willn
Vnd er sie schlecht nicht kunte ftilln/
Wolt er

D6^r

Wolt er der feindschafft nicht vertrawn
Forcht vielleicht es möcht jn gerawn/
Schuff er ein krigsman das er decht
Vnd jm zwen ftarcker hunde brecht/
Thet die hund an einander weiffn
Das sie einander muften peiffn/
Als nu die hund am grimbfen warn
Lies er mit allem willen farn/
Ein groffen wolff vnd zeigt jn den
Als nu die hund jr fcharpffe zehn/
Mit einander wol hetten gwetzt
Vnd auff den wolff nu wurden gehetzt/
Vergaffen sie gantz jres zorns
Vnd hortten gar auff jres murns/
Vnd jagten nach den wolff mit eil/
Erliffen den in kleiner weil/
Zerriffen den mit aller macht
Durch dis ebenbild betracht/
Sprach er/ der Römer meyterey
Zu bawen ift als auff ein ey.

Wie man das hehr zu
der schlacht bewegt.

Das X Capitel.

Marcus

D6^v

Marcus Fabius/ Cneus
Manlius.

Marcus Labius ein Römer
Cneus/ Manlius/ eben der/
Bedt der Römer haubtleut mit ehrn
So den Hetruftis muften wehrn/
Lagen gegen jren feinden
Vmbgeben vornen vnd hinden/
Merckten sie bey jrem volck kein trew
Dann sie ftacken vol meutere /
Wolten nicht thun vnd das sie foltn
Deshalben auch nicht schlagen woltn/
Als nu der feind folchs von jn hort
Das sie in freundschaft warn zerftort
Sie schmechten auch die Römer fehr
Vnd sagten wo doch wer jr ehr/
Ranten also on jr leger
Hiessens verzagte schlat feger/
Das ward die krigsleut schmerzzen fehr
Betrachten darin auch jr ehr/
Horten jrn haubtleutn fleißig zu
Die krigsleut hetten gar kein rhw/
Lieffen also die haubtleut an
Batten man folt doch schlagen thun
Verhieffen

D7^r

Ver hieffen auch fein ehrn from
 Sie wolten niemmer wider kom/
 Es wer dann sach das sie fig hettn
 Vnd das gefchech vnd ehrlich thetn/

Fulius.

Do Fulius sich auch fehr rufft
 Mit den Sammiten schlahen muft/
 Vnd der do waren groffe macht
 Dargegen fein volck klein geacht/
 Vnd er auch merckt das fein volck
 Die groffen mach ent sitzen wolt/
 Zeigt er in on/ das er on won
 Zerruttet het ein legion/
 Vnd zeigt jn an/ er wolt sie effn
 So bald man komen wur zum treffn/
 So würd dieselbig Legion
 Von ftund an zu in schlahen than/
 Entlenet auch von feinen gelt
 Sagt er jns wider geben wolt/
 Das gab er den den verzagten hin
 Macht jn darmit ein frifchen fin/
 Thet er damit on allen schertz
 Macht dem verzagten mit ein hertz/
 Vnd jn

D7^v

Vnd jn damit all jr forcht nam
Das den Römern zum figen kom.

Epaminondas.

Der hauptman Epaminondas
Von der Thebaner wegen was/
Wider die von Lacedemon
Lies er fein hehr zam ruffen thun/
Den fagt er ware kundschafft her
Vnd wie dis red fein ernft wer/
Ja das die feind in jrem radt
Befchloffen hetten auff der ftadt/
So fie die fchlacht gewonnen eben
Keinen wolten laffen leben/
Die Thebaner fo woltn nôtn
Das kind in mutter leib tödten
Darzu fo wolten fie zerftörn
Die ftadt Theba/ künt man nicht wern
Vnd wolten fie gar gwaltig rechn
Die Stadt zu grund vnd boden brechn/
Deshalben die Thabaner recht
Hefftig ftritn als trewe knecht
Vnd fie die forcht dahin bewegt
Der feind von jn wurd nieder glegt/

Gelo

D8^r

Gelo.

Der Siracufaner Tiran
Gelo was ein guter kriegsman/
Als er wider Pienos wolt ftreitn
Vnd er ein hertz wolt feinen krigsleutn
Einftecken/ vnd fie machen frech
Lies er zu das ein jder fech
Von den gefangen die er het
Das man von den auffchiffen thet/
Die vngefaltten fo man fan
Vbel gkleidt/ vnd vbel an gthan/
zerriffen vnd zerhadert gar
Lies er ftellen fur fein fchar/
Vnd zeiget also feinem hehr
Was achtbars an den leuten wer
Mit den fie jtzung ftreiten foltn
Derhalben fie nur frifch fein woltn/
Darmit macht er fein krieger kûn
Ein jder meint er blten er zwen.

Cirus.

Cirus der Konig von Perfia
Damit er mocht fein volck alda
Ein freier

D8^v

Ein freien mut/ ein guten willn
Damit er feinen feind möcht ftilln/
Muften fie ein gantzen tag
Gar fehr hart arbeiten ich fag/
Vnd abhawen ein groffen wald
Es wer gleich jung oder wer alt
Nach dreien tag er fich fleis
Vnd gab jn gar koftliche speis/
Darzu den roftlichen tranck
Vnd faget jn des lob vnd danck/
Vnd fraget fie auch nicht vmb fuft
Zu welchen fie den groften luft
Zu arbeiten oder zum mal
Do antworten fie allzumal
Die arbeit wer jn feindlich ſchwer
Effen vnd trincken wer leichter/
Der Konig ſprach es ift auch recht
Jr muft aber jr trewen knecht/
Durch ewer manheit/ redlich that
Allein komen zu folcher gnadt
Jr mugt nicht bleiben vnerfchreckt
Die medas fein dann vor erlegt.

Lucius

E1^r

Lucius Silla.

Lucius Silla der haubtman
Als er zu Pirca an kam/
Vnd fach feine reutter faul vnd treg
Vnd ftreiten wolten in kein weg/
Legt er jn auff fouiel der fachn
Mit greben vnd polwerck zumachn/
Das fie von folcher arbeit fchwer
Batten den haubtman mit beger/
Das er auch keinen tag folt peitn
Sie lieber wolten fturmen ftreitn/
Vnd ob fie gleich fchon fterben foltn
Sie lieber thun/ dann arbeitn woltn.

Fabius Maximus.

Do Fabius vor feinem ftreitn
Beforgt der flucht/ von feinen leuttn/
Merckt auch jr hoffnung zuletzt
Das fis auff die fchiff herten gefetzt/
Vnd er jr hertz fo ward erkennen
Lies er die fchiff abuerbrennen/
Ehe er angreifen thet die fchlacht
Damit auch keiner weiter dacht.

E Wie man

E1^v

Wie man die forcht aus
dem hehr bringt/ fo daffelbig
durch etzlich widerwertig-
keit erfchrocken ift.

Das XI Capitel.
Scipio.

Als Scipio in Affricam
Dahin in eil fein fchiffart nam/
Vnd er jheling aus dem fchiff trat
Fiehl er Nefflingen an auff der ftat/
Als nu fein volck folchs innen ward
Erfchracken fie von hertzen hart/
Wur vnter jn ein gros gedofs
Vnd hieltens fur ein zeichen böfs
Als Scipio nu folchs vermerckt
Vnd er fein volck wider fterckt/
Kert er folchen feinen fahl
Zu troft vnd hoffnung jn zumal/
Vnd fprach auch feinen Rittern zu
Sie folten jtztund fpielen thu/
Vnd frolich fein in allen zu gluck
Den er het fchon vnter fich druck

Torft

E2^r

Troft vnd fieg in ir aller nam
Grund vnd poden in Affricam.

Caius Cefar.

Als Caius Cefar auff ein fchiff
Vnd jm angefehr ein fuß weg fchliff/
Vnd er angefehr auff die erdn fiehl
Spranger bhend wider auff in eil/
Sprach er vnerfchrocken frey
O mutter erd/ ich wohn dir bey/
Vnd ob ich gleich mit dir zanckt
Wir ich durch dich wider erlangt/
Mit diefen Worten er furkam
Vnd feinem volck das trawren nam/

Sertorius.

Als ein mal dem Sertorio
Seiner reifigen fchildt aldo/
Schnel/ faft all blutfarb fchinnen
Darauff fie fich nicht mocht bfinnen/
Erfcharcken aldo all fo hart
Nicht wuften was es deutten ward/
Legt es der hautbman alfo aus
Das fie hinlegten allen graus/

E ij Denn das

E2^v

Denn das jr schilt fo blutig schinnen
Bedeutten das sie würdn gewinnen/
Vnd jrer feind schilt bluttig wern
Darumb sie fleis an folten kern.

Agathocles.

Von Siracus der werd haubtman
Als sein feind wolt schlagen thun/
Vnd auch auff dieselbigen nacht
Ein finfternus gros kam mit macht/
Darob sein volck erschrock fo hart
Zeigt er jn an/ das solchs von art/
Kein/ vnd durch des himels lauff
Derhalb sie horten zweiffeln auff.

Chabrias.

Chabrias der wolt nicht lassen
Sonder wolt er mit der claffen/
So gehorten den von Athen
Mit krieg vnd freit wolt ers befihen/
In dem ein plitz von himel schlug
Schlug vor jm nider mit vnfug/
Des sein Ritter erschacken fehr
Sprach er Jupiter giebt vns er.

Denn

E3^r

Denn jtzund wol zu ftreiten ift
Dieweil du Gott verhanden bift.

Sexti Juiij Frontini
Seiner Ritterlichen anfhleg

Das ander buch.

Von erwelung der zeit
zu der fchlacht.

Das erft Capitel.

Scipio Affricanus.

Als Affricanus Scipio
Mit Hafrubal wolt ftreiten do/
Erfur durch feine kundfchaffter
Vnd das Hafrubal all fein hehr/
Aus dem leger vnd zu der fchlat
Het gefurt kurtzlih noch der nacht/
Vngeffen vnd vngetruncken
Welchs fich Scipio gut lies dunckn/
E iij Vnd fpeift

E3^v

Vnd speift fein hehr so wol er kund
 Verzog die schlacht wol lieben stund/
 Bis die feind groffer hunger treib
 Vom langen stehn auch keiner bleib/
 In ordnung müd schwach vñ machtlos
 Das auch die kriger sehr verdros/
 Als Scipio nu mercket das
 Vnd das der feind verdrossen was/
 Vnd sie begerten in jr leger
 Ruckt in also stettigs neher/
 Er ruckt auff sie mit aller macht
 Vnd nötet sie hart zu der schlacht/
 Vnd das der feindt nicht het gedacht
 Das Scipio zum figen bracht

Metellus Pius.

Als Metellus Pius wol sah
 Das der Hirculeus vor dem tag/
 Het sein volck frü vor der tagzeit
 Geordnet wol/ wol zu dem streit/
 Meint/ er nicht lenger peitten wolt
 Metellus mit jm schlagen solt/
 Aber Metellus wol befund
 Stund er bis in die sechften stund/

Als nu

E4^r

Als nu die feind von Sonnen hitz
 Lang warn gefanden an der spitz/
 Vnd warn von der hitz vnd ftehn
 Gantz müd/ das fie kaum mochten gehn
 Als nu Metellus folchs vermerckt
 Het er fein volck auch hefftig gfterckt/
 zog auff fie aus der wagenpurg
 Vnd was er fand/ das was erwurgt.

Jphicrates.

Jphicrates der Athenier
 Der erfur durch fein kundtschaffter/
 Das fein feind mit heres krafft
 Gegen jm lag/ vnd nicht viel schafft/
 Vnd fie jr speis zu einer ftund
 Jm tag zunemen wurd vergunt
 Befahl feim hehr das fichs befleift
 Zu fruer tagzeit wurd gefpeift/
 Darnach ruckt er mit aller macht
 Aus der wagenpurgk zu der schlacht/
 zog also dem feind zugeficht
 Begert das fichs zu schlagen richt
 Das fie der feind nicht widern kund
 Sonder furt er auch zu der ftund/

E iiij Sein

E4^v

Sein volck zur schlacht noch vngespeift
 Vnd sich zu schlachen auch beweift/
 Jphicrates sie wolt effen
 Verzog er listiglich das treffn/
 Vnd der feind sich hüttet eben
 Seinen vorteil zubegeben/
 Deshalb die schlacht sich fehr verleng.
 Vnd auch den feind der hunger dregt/
 Vnd jn die leng nicht mocht bestehn
 Wurd einer nach dem andern gehn/
 Vnd lieffen in das leger nein
 Vnd speiften sich mit brod vnd wein/
 Als Jphicrates folchs vermerckt
 Grieff er sie an mit aller sterck/
 Vnd dieweil sie nicht in ordnung ftundn
 Wurden sie von jm vberwundn.

Julius Cefar.

Als Julius Cefar ward bewegt
 Das hehr Affrani het belegt/
 Vnd jn das wasser het verftelt
 Das sie durch durft hart wurden quelt/
 Deshalb der feind ergrimmet war
 Vnd das viech so lieff hin vnd dar/
 Das sie

E5^r

Das sie das alles schlügen todt
 Vnd schrien auch in aller not
 Vnd schrien auch mit aller macht
 Vnd begerten ernstlich der schlacht/
 Als nu der Keiser mercket das
 Vnd das der hauff so grimig was/
 Wolt er dismal sich nicht wagen
 Mit den erhitzten freitten schlagen/
 Sonder verzog aus list den freit
 Bis andermal zu glegner zeit.

Jugurta.

Jugurta Konig der weft wol
 Das jm die Römer alle mal/
 Jm freit mit macht weit vberlegn
 Des halbn er er sich auch muft erwegn/
 Mit jn zu freitten bey den tag
 Sonder erwelet er jm die nacht/
 Vnd wendet des die vrfach fur
 Wo fein krieger fliehen wur/
 Het er die nacht an der hand
 Das er sich wider stercken kand.

E v Luculus

E5^v

L[u]culus.

Luculus in Armenien
 Im Streit wider Mittritem/
 Allein hat funffzehen taufent man
 Vnd er den feind wolt greiffen an/
 Vnd der feind macht vnzelich war
 Griff er an vnuerfehens gar/
 Ehe sie jr ordnung herten gemacht
 Setzt er an sie mit aller macht
 Bracht also in die groffen meng
 Vber zwerch/ vnd noch der leng
 Do sie nicht hielten Ritter zucht
 Bracht er in sie ein schnelle flucht/
 Das auch den Kongen kaum wurd weil
 Das sie jr Konglich zier in eil/
 Werffen muften von jn/ in not
 Woltens sie sich friften vor dem todt.

Caius Julius Cefar.

Julius Cefar der wol wift
 Das der Konig Ariouift/
 Mit sein deudfchē kein schlacht wolt thū
 Wenn jm abnemen was der mon/
 Vrfach halbn der Religion
 Muft er den spot zum schaden han/
 Griff an

C6^r

Grieff an der Keifer sie zur zeit
Welch warn leffig in dem ftreit/
Die fólchen aberglauben hettn
Vnd liefen sich mit ftreit jt3 nôttn/
Die fonft vnuberwunden wern
Die schlug er mit macht/ lob vnd ehrn

Von erwelung der ftad
zu der schlacht.

Das ander Capitel.

Marcus Curius.

Als Marcus Curius erkendt
Das er gegen Pirro nicht endt/
Sein furnemen/ vnnddas er het
Vnd das jn auch von nôtten thet/
Jn keiner weit mit jm zu schlahen
Thet sich Marcus zu jm nahen/
Vnd nam ein damir ein eng
Auff das der Konig mit eim dreng/
Vnd sein volck nicht als brauchen kunt
Vnd Marcus drob figen begundt.

Cneus

C6^v

Cneus Pompeus.

Cneus Pompeus als der ehe
Schlatten wolt mit Mitritate/
Nam er ein/ ein pūhel hoch
Von dem er mit feiner ordnung zog
Vnd druckt den feind mit folcher schwer
Das der feind muft weichen er
Mir der macht muft hinter sich paffn
Den Römern den fig auch laffn.

Julius Cefar.

Julius Cefar als der ehe
Wolt fchlagen fich mit Parhnace/
Zog er von einen perg was hoch
Dauon er auch gefiget doch/
Dann die wūrff/ vnd auch gefchofs
Nicht lenden machtn/ fie verdros/
Denn fie von den fftarcken wūrffen
Siglos muften hinder fich zurffn/
Brauchten fich keiner Ritter zucht
Vnd geben als die feigen flucht/

Luctus

C7^r

Lucius Luculus.

Dergleichen thet auch Lucius
 Vnd der genent ward Luculus
 Als der mit Mithritate
 Zuuoer vnd er wolt ftreiten ehe
 Vnd als fein feind der reiffig zeug
 Ein perck ein nam/ one ſchewg
 Schlug er die feind von der hõh
 Legt fein volck nauff/ das man feh/
 Sein fterck/ fein macht/ fein gut vnd hab
 Vnd lief damitden pûhel rab
 Vnd drang den feind mit folcher zucht
 Das der feind muft geben die flucht/

Vendidius.

Der Rõmer haubtman fo genand
 Den Parthiern lag im land/
 Vnd dieselben zu dem ftreit
 Auff jn zogen von groffer weit/
 Hilt er fein volck fo lang im leger
 Bis das er jm kam gantz neher/
 Vnd der feind gantz hitzig on piet
 Nahe zu jm kam/ auff funffzig ſchrit

[A]ls nu

C7^v

Als nu Vendidius bas merckt
 Het er fein hauffen wol gelterckt/
 Vnd ruckt heraus in folcher eil
 Erlegt den feind in kleiner weil/
 Denn alles was des feindes kunft
 Mit fchieffen/ werffen/ was vmb funft/
 Vnd das der feind zu treffens zeit
 Gerichtet het als in die weit/
 Vnd das der feind nicht brauchen kund/
 Vendidius drumb liegen gund.

Caius Marius.

Caius Marius fchlahen wolt
 Die Cimbros/ wie mans nennen folt
 Oder die deudfchen/ wie wans nent
 Aber die Marius erkent/
 Das die Teudfchen mechtig weit
 Hettten zu gehn/ zu jm zum ftreit/
 Ordnet er all fein fein krigsvolck
 Das fich vor wol fpeiffen wolt
 Befhal jn aufm leger zu gehn
 Vnd vor dem leger ftill zu ftehn/
 Das dann der Römer nach vortl thet
 Dann der feind ein weiten weg het/
 zuziehen

C8^r

zuziehen in der ordnung spitz
 Vnd das der feind von staub vnd hitz/
 Vnd die Sonn auch von geficht
 Dem feind ging vnters angeficht/
 So was der feind noch vngelpeift
 Des sich/ den Marius als fleift
 Durch folche geschick zu siegen kam
 Dardurch dem feind sein leben nam.

Epaminondas.

Epaminondas der vor zeitn
 Mitn Lacedemoniern wolt streitbn
 Befahl er feinereifigen zeug
 Das sie dem feind machten ein schewch/
 Das sie mit vngtumb soltn rennen
 Bis an jr leger jn erkennen/
 Vnd theten sie auch spötlich effn
 Vnd ftelten sich als woltens treffn/
 Auch renten sie hin vnd her on laub
 Vnd triben auff ein groffen staub/
 Dieweil der staub nu also wert
 Het der haubtman sein volck gekert/
 Furt also fein ordnung fluck
 Das er dem feind gantz hinter ruck/
 Angreifen

C8^v

Angreifen möcht/ vnd das galchach
Damit man jn auch figen fach.

Wie die hauffen follen
geordnet werden.

Das drit Capitel.

Cneus Scipio.

Cneus Scipio als er folt
Vnd mit Hannone ftreiten wolt
Vnd als nu die von Carthago
Jr hauffen hetten geordnet fo
Das fie auff jrer rechten feiten
Die Spanier folten ftreiten/
Welche dann mit jrer macht
Es fey zu fturmen oder fchlacht/
Stunden als die trewen held
Carthaginenfes het erwelt/
Het aber auff der lincken feittn
Beftellet die do folten ftreitn/
Die Affricaner die dann fchlecht
Stunden als die feigen knecht/
Grieff von ftund Scipio on whan
Als bald die Affricaner an/
Vnd bracht

F1^r

Im vorteil von eim kleinem perg
 Auff der feiten vnd vber zwerg/
 Vñ bracht in die flucht die auch alfbald
 Darnach grieff er mit allem hald/
 Hispanier an mit aller macht
 Vnd schlug die auch in die flucht.

Philippus der Konig.

Philippus Konig als der wolt
 Mit den windfichen schlahen solt/
 Er aber durch die kuntschaffter
 Erfaren het der Konig herr/
 Das die feind noch vnuerletzt
 Jr hauffen wol hetten besetzt/
 Ja mit den aller sterckften
 Vnd die waren am freidiften/
 Allein an den forderften glieden
 Do sich der hauff am meiftn muft leidn
 Aber die feiten nicht zwifach
 Gelafen het/ vnd waren schwach/
 Ordnet er auch die sterckften fein
 Vnd traff ins feindts schwech hienein/
 Zerrifs jn jr ordnung also bhendt
 Het jns darmit so gar zertrent/

F Das fie

F1^v

Das sie den freit muften verlan
Vnd jn zu gut die flucht nemn an

Parmenes.

Parmenes der Thebanisch man
Die Perfer wolt schlahen thun/
Welche dann hetten auferkorn
Jr sterckfte macht zum rechten horn/
Ordnet er jn auch zugleich
Sein sterckfte macht/ den reifugen zeug
Zum rechten horn oder hauffn
Vnd thet als gemach zu jn zauffn
Die Schwachsten aber stellet er
Gegen sein sterckften feinden hehr
Gebot den auch mit allem fleis
Das sie sich hiltten diefer weis/
So bald sie wurden treffen ebn
Das sie dann folten die flucht gebn/
Vnd sie algemach von jn lengn
Vnd sie darmit aus ordnung brengn/
Das dann mit fleis vnd also gefchach
Vnd hengten jn die feind hintn nach/
Vnd komen also hin vnd her
Aus jr ordnung durch gefehr/

Durch

F2^r

Durch folche lieft vnd folche art
 Der feind von jm betrogen ward/
 Grieff alfo mit macht der hauptman
 Den andern hauffen weislich an/
 Schlug den feind den es nicht bewegt
 Worden von jm durch lieft erlegt.

Wie man der feind ord-
 nung zureiffen fol.

Das virte Capitel.

Papirius Curfor.

Papirius Curfor der zeit
 Als er wider die Samniter ftreit
 Vnd er des feindes ordnung fchlecht
 Nicht trennen mocht mit feinem knecht/
 Schickt er etzlich von dem trofs
 In harnifch zu fußs vnd rofs/
 Die Efel treiber mit den mauln
 Befahl dem felben gfind dem fauln/
 Das lies vor dem feind vber zwergs
 Zogen von einer höh eins bergs/

F ij Einftaub

F2^v

Ein ftaub aufftreiben vnd machen
 Solchs zeigt er als heimlich fachen
 Seim mitgefellen Naucio an
 Er folt sich darnach richten thun/
 Als nu der trofs von den feinden
 Gefehen wordend enn fie meinten/
 Schrey er feine kriger an
 Sein mitgfel der het fiegen thun/
 Vermeint bey vns jt3 auch zu fiegn
 Vnd das fie jns doch nicht vertrûgn/
 Vnd jm allein liefen die ehr
 Das fie das theten nimmermehr
 Vnd fties damit den Rômern gut
 Ein hertz im leib vnd auch ein mut/
 Furt darmit fein krieger als baldt
 An die feind/ fchlug fie mit gewalt.

Fabius Rutilius
 Maximus.

Fabius Maximus an ftadt
 Als er im vierden confulat/
 Vnd eben mit Sammiten fchlug
 Vnd jm nicht werden môcht der fug/
 Das er jr ordnung brechn kunden
 Nam er/ vnd die er mocht finden/
 Von fein

F3^r

Von feinen kriegern raus den kern
 Furt die hinter jr ordnung gern
 Stelt die zurings vmb den hauffen
 Je mit gehn/ vñ je mit lauffen/
 Befahl jn das ein pühel hoch
 Einemen/ vnd derob man doch/
 Lauffen möcht dem feind in den ruck
 Das fis endten/ vnd thettens fluck/
 Welchs den feind hefftig schmertzt
 Aber den Römer machts behertzt/
 Vnd also zu beiten feiten
 Den feind mit sig kunten beftreiten/

Caius Marius.

Als der Marius in willen het
 Die Teudfchen zu schlahen/ wie er thet
 Schickt er Marcellum mit dem trofs
 Ein kleine macht zu fufs vnd rofs/
 Bey der nacht hinter jr leger
 Auff ein perg/ die waffer treger/
 Die Efeltreiber ander mehr
 Jn harnifch auch mit guter wehr/
 Vnd macht also ein hauffen grofs
 Jn zu fehen wie er dann was

F iij Vnd be=

F3^v

Vnd befahl jn auch das sie sich
Hiltten verborgen vnd heimlich/
Bis das sie merckten das die schlacht
Werd angefangen mit der macht/
Das sie mit gschrey vnd groffem bracht
Mit ordnung zogen zu der schlacht/
Das sie dann thetn mit allem fleis
Vnd nu die feind jr wurden weis/
Fiehlen sie in groffe forcht
Dann der feind nicht anders forgt/
Den Römern kom ein newer hauff
Darumb sich hub ein groffer lauff
Vnd flohen hin vnd wider dar
Dardurch der Römer figen war.

Atheas König.

Als Atheas der konig mit fug
Sich mit den Tribulorum schlug/
Vnd er jn doch mit feinem hehr
Gar nicht kant thun kein wider wehr/
Dann er gar ein kleine macht
Darumb er von jn wurd veracht/
Also schuff er/ das weib vnd kind
Efeltreiber vnd troffer gind
Vnftreitbar

F4^r

Vnftreitbar volck fo das im hehr
 Vnd gar nich dôcht zur widerwehr
 Hiels er fitzen bald in der nôt
 Auff Efel/ Pferd vnd was er het/
 Das sie denn nemen ftangn vnd fpifs
 Vnd die auffrecken er sie hies/
 Vnd fo bald dann anging die fchlacht
 Das sie mit gſchrey vnd groſſem bracht/
 Dem feind zuziehen behend vnd fluck
 Vnd auff jm zohen gantz zu ruck/
 Das dann den feind fo gar erfchreckt
 Vnd den zu der flucht hart bewegt

Von halt ftoffen.

Das V Capitel.

Quintus Fabius

Maximus.

Quintus Fabius Maximus
 Als der wider Hetruftos/
 Von den Rômern ward gefchickt
 Vnd als der nu dem anblickt/
 Wendet er von ftund fein volck
 Vnd ftelt ſich als er fliehen wolt/

F iiij Auff

F4^v

Auff einen perg zu nehft darbey
 Deshalb der feind macht gros gefchrey
 Vnd eilten jm fo hefftig nach
 On alle ordnung es gefchach/
 Als Fabius nu folches merckt
 Ruckt er auff fie mit aller fterck/
 In guter ordnung vnd mit fug
 Vnd nicht allein den feind recht fchlug/
 Sonder den feind alfo betaubt
 Vnd jm auch gar des legers braubt

Tamiris Konig.

Aus Scithia Thamiris gnant
 Die kongin gantz wol bekant/
 Cirus der Konig/ wie man fag
 Mit heres krafft wider fie lag/
 Als fie nu zur fchlacht thet furen
 Gleifnet fie recht mit den jren/
 Als wer jr doch zu fliehen gach
 Der eilet Cirus hefftig nach/
 Durch ein gepirg das was fo eng
 Das fie befetzt het mit der meng/
 Der jren/ den eilt Cirus nach
 Vnfurfichtig/ dann jm was gach/

Als er

F5^r

Als er in die eng vnd mittn kam
 Die Kongin thet vnd als jr zam/
 Den Konig faft recht in die mit
 Das er fich doch kant wenden nit/
 Auch brachen die von helten aus
 Vnd fchlugen den recht nach der paus/
 Erlegten den mit all feim hehr
 Erlangten darbey auch lob vnd ehr.

Wie man durch manheit
 die hauffen widerumb ordnen fol.

Das VI Capitel.

Seruius Tullius.

In dem ftreit den Tarquinius thet
 Vnd den fo er mit den Sabinern het/
 Vnd Tullius der jungling merckt
 Das der feind on hehr vnd onfterck/
 Theten leflich im ftreit gebarn
 3uuor vnd die/ die fendrich warn/
 3uckt der jung herr Sullius recht
 Eim fendrich eim ftarcken knecht/

F v Sein

F5^v

Sein fenlein ruckt aus feiner hand
Als der feind nu das befand/
Vnd das das fenlein was verlorn
Thet jm das fo mechtig zorn/
Vnd zwung sie fo jr eigen schandt
Vnd dardurch wurden ermant/
Liefen den feind mit grimen an
Das jn der feind muft weichen thun/
Vnd kriegten nicht allein den fahn
Sonder er auch das felt gewan.

Quintus Furius.

Als sich das hehr vom Furio wend
Vnd sie fliehen wolten behend/
Renth er fur sie/ mitm reifigm zeug/
Vnd schrey jn zu kriger nicht fleuch/
Es wer dann sach sie wendten sich
Vnd wern im freit gantz trefflich/
Vnd grieffn den feind gantz redlich an
So wolt er sie felbs schlahen thun
Es folt auch keiner nicht mit ehr
Komen wider in das leger/

Scipio

F6^r

Scipio.

Scipio bey Numancia
Vnd als er allenthalben da/
Seine kriegler fliehen sach
Schrey er jn laut vnd hefftig nach/
Das er der laffen wolt kein leben
Die sich in die flucht hettn bgeben
Sonder die als fluchtig leut
Trewlfos wolt haltn all fein zeit.

Lucius Silla.

Do Silla mit feiner Legion
Vnd sie nicht wolten schlahen thun/
Vor den feinden fehr erblichen
Vnd ftetigs hinter sich weichen/
Lieff Silla mit gezogenem schwert
Vnd laget/ wer zu fliehen gert/
Vnd er wurd gefragt dermaffen
Wo er fein haubtman het gelaffen/
Solten sie fagen/ in der schlacht
Alda er gar Ritterlich facht/
Wir aber/ als die schelmen grofs
Seint an jm worden gantz trewlofs/
Mit diefer red mant ers fo hoch
Das sie zogen dem haubtman nach/

F6^v

Philippus Konig.

Konig Philip kant forg nicht meiden
Furcht die fe in nicht möchten leiden/
Den gwalt vnd macht der Citifchen
Ordnet er fein zeug/ die beften/
Refigen/ den feinen zu ruck
Gebot jn/ das fie folten fluck/
Niemand weichen noch zu ruck laffn
Welche fich hiltten folcher maffn/
Als woltens fliehen/ wenden woltn
Das fie die zu tod fchlahen foltn/
Vnd lies auch folchs jm gantzen hehr
Ausruffen vberal hin vnd her/
Dauon jm dann der kriegier danckt
Vnd dardurch den fig erlangt/
Dann die verzagten muften fort
Woltens nicht horen folche wort/
Vnd trang fie auch die fcham in not
Das fie von dem feind lieber todt/
Wolten fein/ dann von dem freund
Das doch der hauptman trewlich meint.

Welche ding nach der
fchlacht zu thun fein.

Das

F7^r

Das VII Capitel.

Caius Marius.

Da Caius Marius schlagen thet
Die Teufeln/ die schlacht gewunē het
Belegt er der feind wagenburgk
Mit allem fleis vnd groffer sorg/
Den feinden so darein geflohen
Vnd sich von der schlacht abgezogen
Das Marius dann sehr verdros
Macht er ein gemeinen auffchoß/
Befahl den auch mit groffer sorg
Das sie der feinden wagenburgk
Anlauffen recht nach krieges furm
Vnd sich auch stelten zu dem turm/
Als wolten sie jtz bey der nacht
Sturmen/ die mit aller macht/
Vnd das der feind nicht anders won
Die gantzen nacht in ordnung stahn
Sich auch zu ruhe nicht durfften legen
Essens vnd trinckens sich verwegn/
Darumb sie krafft vnd alle macht
Verloren hetten in der nacht/

Das auch

F7^v

Das auch den andern tag nu dar
 Der feind machtlofs vnd verdroffn war
 Das jn der Marius wol gundt
 Vnd fie gantz leichtlich vberwundt.

Claudius Nero.

Claudius Nero den lieft fandt
 Als er Hafrubal vberwandt/
 Vnd der mit einem groffen hehr
 Aus Affrica recht vber Meer
 Zu hileff feim bruder Hanibal
 Vnd das jn brach der hauptman bald/
 Denn er Hafrubal thet fahen
 Liefs jm alfbald den kopff abfchlahn/
 Nam das haubt vnd wurffs furs leger
 Hanibals/ vnd ruckt jm neher/
 Mit feinem hehr/ bey guter zeit
 Vnd ftelt fich als begert er ftreit/
 Als nu vor dem leger folch haubt
 Von etzlichen wurd auff geklaubt/
 Ein jtzlicher ein fonders dacht
 Zuletzt wurdts Hanibali bracht
 Erkennet er von ftundan frey
 Das es feins bruders haubt muft fein/
 Vnd das

F8^r

Vnd das es ftünd vmb jn gantz gfehr
 Vnd das fein volck gefchlagen wehr/
 Darob erfchrack/ gantz vber die maffn
 Das er vom krig muft abe laffn/
 Vnd fich auch alfbald dauon droht
 Dē haubtmā kein fchlacht lūuern wolt

Publius Valerius.

Publius valerius trat
 Als er erobert het die Stadt/
 Die man Epitaurum nent
 Aber Publius wol erkent/
 Das die in der Stadt feiner macht
 Gegen den jren/ nicht wurd gacht/
 Denn er ftund auch in freuden fchmal
 Vnd beforgt ftetz den vberfahl
 Lies er ein kampff recht ruffen auß
 Ein weitten weg furs thor hinaus/
 Befahl aber gleich feinen knechtn
 Das fie den nicht zu fehen dechtn/
 Sonder bleiben in der Stadt
 Vnd hetten acht auff feinen radt/
 Als nu das gmein volck in der Stadt
 Zufehen fich gefamlet hat/
 Vnd eilt

F8^v

Vnd eilten zu dem Ritterpil
Das vor gefehen was nicht viel/
Das Publium auch daucht das feft
Lies er die Stadt bechliffen feft/
Vnd wolt der auch kein laffen ein
Sie hiltten den drumb vor gemein/
Vnd geben jm vor purgen fchlecht
Das er vnd auch all feine knecht
On allen argwon ficher wern
Das muften fie jm auch hart fchwern.

Ende des andern buchs.

G1^r

Sexti Julij Frontini fei-
ner Ritterlichen anfhleg.

Das dritte buch.

Von brennē der Stedt/
Schlofs vnd Flecken/ So
man sich fürchlahen/
oder belegern wil.

Das erste Capitel.

Titus Quincius.

Titus Qnincius thet gebarn
Als Volfti vberwunden warn/
Vnd er jm furgenomen hat
Wolt gwinnen Ancum die Stadt/
Berufft er fein kriegs uolck folchr weis
Erzelt jn auch mit ernftm fleis/
Wie gut vnd nutz es jmmer wehr
Wo man ein Stadt/ mit aller gfehr/
Eilendt nach jrer niderlag
Bringn möcht in gfahr vnd vngemach/

G Dieweil

G1^v

Diweil in jn wer der grofste fchreck
 Vnd auch die forcht in jn fteckt/
 Das man mit brant vnd allem fchadn
 Den feind noch weiter folt beladn/
 Dem feind fein hert3 noch weiter zuckn
 Vnd auff das nehft zu jm rucken/
 Daraus dem figer nutz entftund
 Das er ein Stadt auch leichtlich gwun/
 Mit diefer red fein volck bewegt
 Die in der Stadt fo hart erfchreckt/
 Das er auch auff den erften tag
 Gwan Ancium on vngemach.

Marcus Cato.

Marcus Cato der trefflich man
 Grieff ein Stadt grofs mit brät hart an
 Die doch groffer tagreifs vier
 Von feim hehr lag/ nach der riffir/
 Die felben tagreifs zog er all
 In zwen tagn/ vber berg vnd thal/
 Als nu die in der Stadt mit gfarn
 Seiner zukunfft fchnell jnnen warn/
 Der fie fich nicht verfehen hettn
 Gar hart fie drob erfchrecken thetn/

Durch

G2^r

Durch folche forcht er darzu kam
Das er dieStadt zu gnaden nam/

Von betrug der belegtē.

Das ander Capitel.

Domicius Caluinus.

Als Domicius het belegt
Leucam/ die in der Stadt erfchreckt/
Welche doch fonft von bauwerck felt
Auch het fie viel wehrlicher gefit/
Ordnet er alle tag fein hehr
Das fie mit harnifch vnd mit wehr/
Die Stadt mit macht vmbzogen frey
Vnd machten fehr ein grofs gefchrey/
Darumb der feind dann in der Stadt/
Solchs zubedencken gieng zu radt/
Zuletzt befhloffen fie gantz recht
Das ers zu vbung thet feim knecht/
Verlieffen alfo all jr fchart
Bald das der hauptman jnnen wart/
Befahl er feinem volck mit hauffn
Das fie die Sradt an folten lauffn/

G ij Gantz

G2^v

Gantz geling vnd auch fchnell
Welchs jn dann kam zu vngefell/
Ehe fich der burger famlet gar
Der feind fchon anff der mauren war.

Arcades.

Arcades feine feind erfchreckt
Das er die Caftel het belegt/
Macht er feine kriger one fcheuch
Wehr vnd harnifch dem feind gleich/
Zeigt fie an/ on allen tratz
Sie gehorten zu jrem zufatz/
Weren drumb auch gefchickt dahin
Das fie/ fie folten laffen jn/
Deshalben der feind legt ein bloffn
Dann fo bald fie wurdn eingeloffn/
Erfchlugen fie die im Caftel
Gewunnen das gantz bald vnd fchnel.

Cimon.

Als diefer hauptman fo genant
Ein Stadt in Caria bekant/

zunt

G3^r

zunt er ein hubfchen Tempel an
 Der vor der Stadt herauswart fton
 Dar zu ein groffe kirchfart was
 Als die in der Stadt fahen das/
 Lieffen fie eilent aus der Stadt
 On wehr/ vnd allen kriegsradt/
 Vnd vermeinten auch zu lefchen den
 Bald das der haubtman was verftehn/
 Vberfiehl er die Stadt mit gwalt
 Erobert die/ vnd gewun fie baldt.

Von bewegung dē feind
 den/ zu vbergeben die feinen.

Das dritte Capitel.

Papirius Curfor.

Diefer haubtman mit feinem hehr
 Vor Tarentum lag mit der wehr/
 Den feinden in der Stadt mit tratz
 Milo aber mit dem zufatz/
 Lag in der Stadt gantz wol geruft
 Welchs alles der Curfor wift/

G iij Das er

G3^v

Das er die nicht bezwingen macht
 Des er jm bald ein fin erdacht/
 Schrieb er Miloni einen brieff
 Darinn er sich mit freundchafft tieff/
 Gegen jm gantz hart verprach
 Das er bey nacht vnd auch bey tag/
 Jm vnd allen in der Stadt
 Mitteilen wolt gnad vnd radt/
 Desgleichen folten sie sicher fein
 Jrs lebens halb mit aller trew/
 Durch solch freundlich vnterred
 Milo gar grofs vertrauen het/
 Redt solchs auch mit den burgern ab
 Das er jm die Stadt gantz vbergab/
 Doch das er jn solchs auch verchrieb
 Vnd auch bey leib vnd leben blieb.

Tarquinius Super-
 bus.

Tarquinius der Römisch König
 Als er die Sadr macht bezwung/
 Die Gabios/ wie mans nent
 Vnd er wol auch jr manheit kent/
 Liefs er feinen Ion Sextum
 Mit ruten schlahen vmb vnd vmb/

Der dicht

G4^r

Der dicht ein flucht mit diefem bſcheidt
Sagt mocht feins vaters hertigkeit
Nicht leiden mocht fein Tiraney
Auch jm nicht lenger wonen bey/
Vnd riet den allen in der Stadt
Vnd das fie jn mit gemeinen radt/
Zu einem haubtman foltn weln
So wolt er jn gantz wol erzeIn/
Vnd das fie nur fein anſchleg fechn
Wilt er feim vater wol abzuprechn/
Das er fie beredt die in der Stadt
Vnd das fie folgten feinem radt/
Als er zu haubtman ward gemacht
Gedacht er jm/ bey tag vnd nacht/
Wie er das Regiment bekôm
Dardurch er in das leben nôm/
Das doch zuletzt gſchach durch vertraun
Liefs er jn die kôpff abhauen/
Vbergab alfo die werden Stadt
Dem vater fein/ in vngenad.

G iij

Wo mit

G4^v

Wo mit man die feind zu
abgang bringt.

Das vierte Capitel.

Fabius Maximus.

Do Fabius verderben lies
Die landſchafft fo Compania hiefs/
Vnd er auch gantz verzeiffelt het
In abzugwinnen jre Stedt/
Zog er ab in feinem zufatz
Gab denen in den Stedten blatz/
Das fie das korn/ fo fie hetten
Erpartn/ wider fehen thetn/
Wider fehen wider bawen
Das Fabius zu thet ſchawn/
Als nu die fatt im felben jar
Schon gwachfen/ vnd auch zeitig war/
Kam Fabius mit großem bracht
Verderbts wider mit aller macht/
Dardurch nott er die felben Stedt
So am getreid großs mangel het/

Vnd fie

G5^r

Vnd sie der hunger darzu not
 Das er bezwung die selben Stedt/
 Vnd sie sich auch mit groffer schand
 Geben mußt/ in der Römer hand.

Dionifius Tirannus.

Als Dionifius Tiran
 Von Siracus viel Stedt gewan/
 Vnter sein macht gwalt het bracht
 Vnd er auch Regium gedacht
 Zu zwingen vnter sein gewalt
 Das er doch gar mit keiner gftalt/
 Enden mocht oder kent thun/
 Stiefs er mit jn ein friede an/
 Doch der gefalt also erzelt
 Das sie sein volck doch vmb jr gelt
 Laffen wolten koren getreid
 So hilt er fried/ mit diefem bfcheid/
 Vnd alle notturfft geben woltn
 Das sie zum brauch auch haben soltn/
 Das sie denn auch in diefen nötn
 Willig vnd auch gern thetn/
 Als er das gtreid het als vereft
 Vnd auch die Stadt gantz gar emploft/

G v Ruckt

G5^v

Rückt er gantz wider für die Stadt
Die jtzundt nicht zu freffen hat/
Vnd nattet sie mit allem fleis
Das sie aus mangel jrer Speis
Auffgeben muften jre Stadt
Begeren auch der Römer gnad/

Alexander.

Do sich Alexander befeilt
Leucadia war wol gespeilt/
Darin sie sich auch wehrten fehr
Vertheidigten jr Stadt vnd ehr/
Das ers mit fturm nicht kunt zwingn
Vnd sie vnter sein gwalt nicht bringn/
Erdacht er jm ein sin gar schnell
Blundert er die nehften Castel
Befahl auch eben dem selbn volck
Gen Leucadium es ziehen Holt
Also durch zulauff folcher meng
Wurd in der Stadt ein grofs gedreng/
Wurd auch die Speis durch sie verzert
Das sich die Stadt nicht weitter wehrt.

Pericles

G6^r

Pericles.

Pericles ein guter kriger zwar
 Belegt ein Stadt/ vnd die doch war/
 Befetzt mit viel wehrlichen leutn
 Dienlich zu fturm vnd zu ftreiten/
 Liefs bey der nacht ein gros gefchrey
 Mit allen volck gar mancherley/
 Zu nehft der Stadt vnd bey dem Meer
 Den krieger lauffen mit der wehr/
 Drumb in fie fiehl ein großer fchreck
 Vnd machten feich den kriger keck/
 Vnd lieffen zu den felben ortn
 Do fie des feindes gfhrey nu hortn/
 Vnd lieffen fo die porten gut
 Ledig ftehn vnd andern hut/
 Als nu Pericles das befandt
 Wie bald er auch fein krieger mant/
 Vnd fturmet on den felben ort
 Vnd gwan on wehr diefelben port.

Trafibulus.

Trafibulus ein gfhickter man
 Als er vermeint zu gwinnen thun/
 Den port

G6^v

Den port Sicimorum genant
Trat er mit knechten auff das landt/
Vnd macht mit den ein gros gedon
Als das der burger ward verftan/
Wert er auch faft am felben ort
Verliefs die hut vnd wacht der port
Als nu der burger darzu lief
Ruckt er behend mit feinem ſchiff/
Hinzu vnd gwan die felben port
Die nicht befetzt ward an dem ort.

Von bot vnd kundſchaff
ten von den belegten.

Das VI Capitel.

Von den Römern vnd
Camillo. Die Römer im Capitolio
Von Frantzhofen warden belegt do/
Sendten ſie ein botten nüber
Der bey nacht ſchwam vber die Tiber/
Vnd alfo zu Camillo kam
Der alle ſach von jm vernam/

Darnach

G7^r

Darnach er wider bhent betracht
 Vnd sich wider vber die Tiber macht/
 Dardurch er auch dem feind vmbging
 Das er den widerfach noch fing/

Campani.

Als die Römer wurden bewegt
 Die Compani hetten belegt/
 Schickten sie ihre kundtschaffter
 Zu ihren freunden hin vnd her/
 Thetten sie auch dem feind gleich kleidn
 Vnd schrieben inwendig der scheidn/
 Dem freund was denn ihre meinung war
 Vnd all ihre furnemen gantz vnd gar/
 Auch neten sie an heimlich endt
 Etlich brieffe dem viech behend/
 Vnd jagten die von ihnen dan
 Vnd das der freund gantz wol verstan/
 Dardurch sie auch berichtet wern
 Waran sie sich dann folten kern.

Decimus Brutus.

Decimus Brutus het bewegt
 Anthonium/ der ihn het belegt/
 Schickt

G7^v

Schickt Hircius der Conful do
Ein Ritter zu dem decimo/
Dieweil er feiner fach her fcheuch
Liefs er jm machen ein arm zeug/
Von bley/ darauff er fchreiben ther
Was Hircius im willen het.

Ende des dritten buchs.

Sexti Julij Frontini fei-
ner Ritterlichen anſchleg/
das vierte buch.

Von der Ritterlichen
zucht.

Das erft Capi[t]el.

Scipio.

Scipio der beffert fein hehr
Vor Nummancia jmmeder/
So durch die vorigen haubtleut
Vngefchickt zu fturm vnd ftreit/
Vermeint das hehr in folcher mofs
Schuff aus den hehr allen trofs/
Was weiber warn/ vnnutz leut
Vnd fich gefamlet het die zeit/

G8^r

Gebot auch feinen Rittern recht
 Das sie zuhant ein jder decht/
 Vnd was zu deh kriegsnotturfft wer
 Es wer holtz spiefs vnd anders mehr/
 Liefs er jn in ernft fagen
 Ein jtzlicher folts selber tragn.

Quintus Metellus.

Quintus in Gugurtifchen ftreit
 Richt wider auff mit bfcheidenheit/
 Die abgebrachte Ritterzucht
 Darin erwulch auch mache flucht/
 Liefs er aufgehn folch gepotten
 Sie folten weder bratn noch gfothn/
 Von keinem fleifch jn effen gunt
 Damit er sie auch zemen kunt

Lucius Flaccus Caius

Marius.

Diefe wie sie feint genent
 Haben die kriger nicht erkent/
 Noch die gebrauchet je zu ehrn
 So haben den jn muften fchwern
 Das keiner aus der ordnung fein
 Fliehen wolt bey hochfter pein/

Fliehen

G8^v

Fliehen wolt aus zagem mut
 Verpot man in bey hochstem gut/
 Vnd das jm auch vom hauptman recht
 Wurd auffgelegt dem gemeinen knecht/
 Das keiner sich des widern folt
 Es wer dann fach vnd er wolt/
 Ablaufen wolt dem feind fein wehr
 Das môcht er thun mit aller ehr
 Oder er fech fein gefelln in nôtt
 Vnd das er den wolt helffen rettn/
 So môcht er aus der ordnung ftehn
 Sonft muft es jm gantz vbel gehn.

Scipio Affricanus.

Als Scipio zu einer zeit
 Ein Ritter fach lang vor dem ftreit/
 Der feinen fhilt putzt nach dem glantz
 Als wolt er gehn/ recht zu dem tantz/
 Sprach Scipio on allen trutz
 Thuft recht das du haft aufgebutzt/
 Deinen fhilt zu gleiffen fehr
 Dieweil dein hoffnung in die wehr
 Minder fteht denn in den fhilt
 So biftu deiner zagheit milt/

Jn welche

H1^r

In welche fetzzeit du dein ehr
Vertrafft dem mehr dann der wehr.

Philippus.

Philip Konig gebot den knechtn
Das fie zuhandten vnd auch döchtn/
Vnd jder knecht nach gmeiner fach
Trug mel fur fich auff dreiffig tag/
Wann er fich zu feld legen wolt
Jder fein notturfft haben folt.

Caius Marius.

Caius Marius der kriegs herr
Vnd als er merckt die grofs befchwer/
Die er do het von feinem trofs
Befahl er endtlich feim Profofs/
Desgleichen auch feinem kriegsknecht
Das jtzlicher fur fich gedöcht/
3uuor die hetten kindt vnd weib
Das fie auch die bey jrem leib/
Vrlaub geben/ vnd von jm thun
Was fie zu notturfft muften han/
Behalten möcht vnd binden zam
Dauon jn dann auff ftundt der nam/

H Vnd fie

H1^v

Vnd sie bey jrem tragen kent
Die marianifchen Efel nent.

Antigonus.

Als Antigonus das wol spurt
Vnd das fein fon ward ein Lofirt/
Zu einer witwa in der Stedt
Vnd sie drey hubfcher tochter het/
Sagt Antigonus zu feim fon
Jch hor du habft ein herbrig nun/
Darin viel muhe vnd arbeit fey
Vnd hab der herrn mancherley/
Drumb zeug du in ein ander haus
Den da zufein/ wurd nichts guts draus
Gebot auch das zu jder zeit
Alle knecht vnd kriegleut
Kein lofament foltn nemen ein
Darin ein weib wont allein
Oder ein witfraw der gefalt
Er wer dann funffzig jar alt.

Marcus Scaurus.

Marcus Scaurus bat feinen fon
Das er nicht mehr folte fehen thun/
Das er

H2^r

Das er den vaker het vnehr
Vnd dem feind den rucken kert/
Das dann der jung fo gros leid het
Vnd auch jm felbs den tedt thet.

Cotta.

Cotta Conful in Sicilia
Liefs Valerium ſchlahen da/
Vnd der ein edler Römer war
Noch liefs er jn verachten gar/
Vnd den faft mit ruten ftreichen
Das er von feim gbot thet weichen/
Muft mit den gmeinen haltten wacht
Das er fein gebot hat veracht/
Das fie vberfehen hetten
Das die feindt vberfalln thetten/
Das leger Lipararum gnet
Darumb der hauffen wurd zertrent.

Fuluins Flaccus.

Fulius thet auch on gnad
Setzt fein bruder aus dem Senadt/
Der on befehl fein Legion
Mit willen hat verlaffen thun/

H ij Fabius

H2^v

Fabius Rullus.

Fabius Rullus liefs mit gehr
In auffehung dem gantzen hehr
Liefs er aus zweien Legion
Den zehenten enthaubten thun/
Drum b das sie hettn geben die flucht
Vnd drinn nicht ghalten Ritterzucht.

Marcus Anthonius.

Marcus Anthonius ward ergrimbt
Do jm die wehr wurd angezundt/
Liefs alsbald zweier zohort
Die den die wach hilt an dem ort/
Liefs er alweg dem zehenden
Mit groffem grim das haubt nemen/
Auch fties er mit groffr fchmach vō hehr
Die Legaten on alle wehr/
Schuff er den in der Legion
Gerften muffen sie freffen thun/
Auch der vngeheiftn plundert hat
Ja Regium die werden Stadt/
Vnd in der Stadt fo hettn genot
Schuff er das die wurden getodt/
Vier tauffent

H3^r

Viertauffent dar on alle gnad
 Das war bemelt von dem genand
 Das man der keinen folt begrabn
 Das wolt er ftet vnd auch feft habn/
 Desgleichn von weib vnd kind er wolt
 Das man der kein nicht klagen folt.

Papirius Curfor.

Papirius Curfor bgert kurtz vmb
 Das man folt Fabium Rutilium/
 Vnd der/ der reiffig haubtman war
 Den feind erlegt het gantz vnd gar
 Das man den enthaubten folt
 Zuuor mit gerten fchlahen wolt/
 Darumb er wider fein befehl
 Gefritten het fo gar vnd fchnel/
 Wolt jm beweiffen gantz kein gnad
 Wiewol das gantz hehr fur jn bat/
 Das man den fig bedencken folt
 Vnd das jn gniffen laffen wolt/
 Noch wolt er jm kein gnad nicht thun
 Biels dasder vater vnd der fon/
 Erbermlich jm zu fuffen fiehln
 Erft liefs er feinen zoren ftilln
 H iij Gab er

H3^v

Gab er jn den/ mit diefem bſcheidt
 Als wer er ſchon gantz vervrteilt/
 So hoch wurd die vnghorfam gſtrafft
 Das aber viel gros nutzſes ſchafft.

Manlius Torquatus.

Manlius ein ernſtlicher man
 Hat je ein groffe that gethan/
 Das doch der natur hart entgegen
 Noch liefs er ſich das nicht bewegn/
 Dann der vbers vaters gebot
 Gefritten het/ vnd glieden not/
 Wiewol er auch mit aller ehr
 Den feind ſchlug/ vnd all fein hehr/
 Wolts jm der vater nicht vertragen
 Liefs jm alsbald mit ruten ſchlagen/
 Gebot auch vnuerfunnen hart
 Das er darnach enthaubtet wardt.

Caius Curio.

Cajus Curio ward fehr hart
 Als etlich auffrurſch ward/
 Sich auch auff des haubtmans befelch
 Fort zuziehen ſtelten gantz ſchelch/

Dieweil

H4^r

Dieweil der zug beförglich war
Welchs sie dann auch verachten gar/
Furt er von jn die Legion
Hiels jre schwert ausziehen thun
Vnd hiels die also halten ftill
Als woltens schlahen in der eil/
Vnd nach dem/ schuff er also bahr
Dem krieger der vnghorfam war/
Muften sich in ghorfam leiden
Vor jren augen ftro schneiden/
Auch muften sie abhauen gras
Wie groffe schmach auch jn das was/
Auch muften sie den andern tag
Ein graben auffwerffn in zu schmach/
Vnd legt jn auff ein folche purt
Das sie muften gantz vngegurt
Arbeiten vnd anders thun
Wolt er sich nicht er bieten lan/
Das er jn doch het wider gebn
Jr freiheit/ was jm gar nich ebn/
Sie vnter ander Legion
Geteilt het/ wolt er gar nicht thun/
Dann jr nam wurd gar ausgereut
Damit macht er ghorfam kriegsleut.

H iiij Marcus

H4^v

Marcus Liuius
Salinator.

Diefer haubtman ward vberleit
Vnd von dem volck gantz verurteilt/
Drumb er mit dem raub fo eilt
Vnd het den vngleich ausgetheilt/
Den auch zogen zu feinem nutz
Dardurch er macht den kriegler trutz/
Welchs auch eim haubtman nit zuftelt
Mans in jm auch nicht gfuchet het.

Was nutz aus manzucht
vnd erfarnheit der kriegler kompt.

Das ander Capitel.

Alexander.

Gwieflich mit viertzig tauffent man
Grieff Alexander Darium an/
Dem er denn krieg wolt zufugen/
Begert damit die welt zukriegn/
Erlegt damit auch hauffen grofs
Welchs nicht zufagen vbermafs/
Die vrfach

H5^r

Die vrfach aber nu alfo
 Des fie zuuor bey Philippo/
 In allen kriegem vngefcheut
 Gebraucht warn/ als gute kriegsleut/
 Denn fie gelert in der manzucht
 Mit ghorfam Ritterlicher frucht.

Cirus Konig.

Cirus der Perfier Konig
 Vberwandt der feind nicht wenig/
 Dann er mit vierzehen tauffent man
 Vnzalbar feind hat ſchlahen thun/
 Die dann der freit nicht warn bericht
 Die er dann ſchlug vnd macht zu nicht/

Epaminondas.

Epaminondas hat wol gthan
 Schlug allein mit vier tauffent man/
 Darzu mit vierhundert reuter
 Der Lacedemonier hehr
 Welch hetten zweintzig tauffent knecht
 Sechzehen hundert reifiger recht/
 Schlug alfo dieſelben ſcharn
 Dann fie der krieg nicht berichtet warn.

H v Cirus

H5^v

Cirus.

Cirus der macht auch groffe not
Durch fein manheit schlug er todt/
Artaxerxi hundert taufent man
Mit vierzehn taufent hat ers than/
Das macht das sie nicht wardē gschickt
Seint an den pifen all erftickt.

Xerxes.

Beryes der Konig viel leut erschreckt
Dann er mit feinem volck bedeckt
Die waffer/ vnd auch viel der erdt
All menschen er zu zwingen gert/
Noch ward er von dreihundert man
Ghalten das er nicht fort kundt gan/
Solch leut hetten die von Athen
Drumb muft der Konig zu ruck ftehn.

Vō meßigkeit der haubt
leut.

Das drit Capitel.

Marcus Cato.

Marcus Cato der Römisch herr
Liefs sich genugen wol vnd fehr/

H6^r

An dem wein den trincken recht
Auff den schiffen die ruderknecht/
Begert auch nie kein ander tranck
Was man jm bracht nam er zu danck.

Cineas Legat

Als Cincas der gschick Legat
Bracht silber vnd golt groffen radt/
Fabricio dem Römer werd
Damit der König jn verehrt/
Wolt er solchs gar nicht nemen an
Thet dem Legaten antwort thun/
Wir Römer achten fur nicht
Den reichtumb der das gmut zerbricht/
Vnd auch den furfat3 machet klein
Wir Römer fleiffen vns allein/
Das wir herfcher werden genandt
Vber die/ die solchs reichtumb hant.

Epaminondas

Diefer gewaltig haubtman
Nach dem er fehr viel schlachten gwan/
Erlangt viel ehr mit groffer not
Fandt man doch nicht/ nach feinē todt/
Vnd das

H6^v

Vnd das er hinter jm verliefs
Denn ein morfer vnd ein brat[piels/

Plato.

Plato mit feinem wort bezeugt
Welcher haubtman der sich vol feufft/
Sich den wein vberwinden lafs
Vnd sich nicht brauch der rechten mafs/
Der verderbt/ verfurt alles das
Was jm in not befohlen was.

Von ftandthafftigkeit.

Das vierte Capitel.

Gneus Pompeus.

Als diefem haubtman fein kriegsleut
Troten hart wol vmb die peut/
Das dann folt werden vmbgefurt
Vnd auch darmit falt Triumphirt/
So dens mocht kondem etwan ftadtn
Rietten jm fein zwen Legaten/
Seruilius vnd Glaucia
Das er das gelt folt teilen da/
Solt thun vmb der auffrurier willn
Damit er fie doch möchte ftilln/

Schwur

H7^r

Schwur der haubtman bey feim eid.
Das jm jimmer muft werden leidt
Das er Triumphiren folt
Viel lieber er doch fterben wolt/
Ehe er wolt jrem willn gelebn
Vnd fich dem pofel vbergeb/
Wolt fich auch lieber laffen todtn
Denn vberfchreien oder nottn/
Vnd ftrafftten die mit ernft hoch
Das fie fich auch bedachten doch/
Liefs er jn furwerffn auch die purt
So mit lorber laub ward gezirt/
Vnd fagt jn weil fie rauben woltn
Das fie daran anfahen foltn/
Mit diefer ernfthaffter red
Der krieges fich faft maffen thet ·

Julius Cefar.

Julius in der burger ftreit
Als ein Legion zu der zeit/
Bewegt wart hart zu der auffruhr
Bald nu der keifer das erfur
Nam er jn jre freiheit gar
Todtet den der anfenger war.

Setzet

H7^v

Setzt in die andern kein glaub
Gab den felben allen vrlaub/
Als sie aber durchs gantze hehr
Vergebung batten jmmermehr/
Auch zufagten an der ftadt
Das jn der Keiser geb gnad/
So wolten sis mit guttn thatten
Ehrlich vnd redlich widerftadten/
Nam er sie auff zu gnaden recht
Wurden darnach die besten knecht.

Von mancherley redten
vnd anfhleg der guttē haubtleut.

Das V Capitel.

Julius Cefar.

Julius Cefar alweg redt
Gleich eben er die meinung het/
Gegen dem feind one wancken
Wie die ertz hettn zu den krancken/
Das er die doch zu zwingen gert
Lieber mit hungr deñ mit dem fchwert.

Emilius

H8^r

Emilius Paulus.

Emilius Paulus fagt alweg
Viel an eim guten haubtman leg/
Der folt in fitten tugent alt
Mefig nuchtern rechter gefalt
Mit dem er auch anzeigen wolt
Was man den weiffen Redten folt/
Folgen/ vnd nicht den fchreier nach
Der oft verfhrey ein gutte fach.

Scipio Affricanus.

Als Scipio auff ein zeit
Wurd furgewfforen vor dem ftreit/
Wie das er mit der hendt vnd fchwert
Nicht freidig/ vnd kein kempffer werdt
Gab er dem antwort/ nicht mit zorn
Mein mutter hat mich nicht geboren/
Zu einem kempffer/ folt verfthan
Sonder mich zu einem haubtman/
Hat fie mich geboren recht
Vnd dich zu einem gmeinen knecht.

Caius

H8^v

Caius Marius.

Der Marius ward von eim knecht
Das er mit jm zu ſchlahen döcht/
Gefordert auff ein anger weit
Dem gab der haubtman diefen beſcheidt
Wo ich zu ſterben thet gedenckn
Kent ich mich mit eim ſtrick erhenckn/

Scipio Affricanus.

Scipio gwonlich alweg redt
So man ein ſchlacht gewonnen het/
Das man den feind mit guter zucht
Stadt ſolt geben zu der flucht/
Vnd die ſtadt beſchirmen recht
Damit auch fliehen möcht der knecht.

Pericles.

Perioles het den feind erfchreckt
Vnd als er die ſo hart belegt
Vnd auch der feind kein hielff mehr ſach
Macht der haubtman mit jm vertrag
Das fie

J1^r

Das sie als eiffen so sie hettn
Auff erft vnd baldest von jn thettn/
Bey wem er auch kein eiffen wift
Der selbig wer des lebens gfrift/
Welchs sie annamen gantz zu gar
Vnd vnbedacht in den vertrat/
Willig die wehr all von jn thettn
Liefs er die an allen ftedten
Befuchen/ vnd an wem er fundt
Hefftel oder ring an der handt/
Nadel oder solch metal
Die selben liefs er todten all/

Ende des viertē buchs Sext/
Julij Frontini feiner
Ritterlichen an-
schleg.

Gott fey/ lob/ ehr/ vnd preifs.

J Befchluss

J1^v

Befchlus in dies buch-
lein.

Ein itzlich that sey wie sie woll
In krieg in zanck vnd vngefell
Darin dann jder brauchet witz
Billich man den heift furher fitz/
Gedenckt auch fein in gutten lang
Wiewol es fthet in keinem zwang/
Dann mancher schilt/ der ander lobt
Den ander sonft mit freffel dobt/
So mag doch schelten wer do kan
Wiewol es fthet gantz vbel an/
Zu schelten dem/ ders nicht verthet
Vielleicht es diefem buchlein geht/
Dann es ist sonft der welte brauch
Was einer lobt das lob ich auch/
Was einer schilt/ das schilt ich mit
Wiewol ichs doch verthe gar nit/
So wird doch hierinn funden recht
Vnd mag auch sehen gemeiner knecht/ /
Was sich begiebt/ jtzt vnser zeit
In manchen schlachten fern vnd weit/
Wiewol man itz mit groffen radt
an allen enden gut gschutz hat/

Das bey

J2^r

Das bey den alten gar nicht war
Noch hiltten sie sich dapffer gar/
Mit weissen redten wie ghort
Damit auch land vnd leut zerftort/
Mit kleinen hauffen groffe macht
Erlegt haben/ in fturm vnd schlacht/
Das aber gfcchehen ift darumb
Das gmelte haubtleut einer fum/
Jr datum fetzten nicht auff gut
Auff fpielen/ hurn/ wie man thut/
Auff fullerey/ noch anders mehr
Jr fin der ftund auff eitel ehr/
Wie die nur zu erlangen wer
Darnach zu dencken was jr gehr/
Das findt man klerlich ebenbildt
Durch Fabricium den haubtman milt
Der dann die fchatzung gar veracht
Die jm die Legaten hettn bracht/
Desgleichen Epaminondas
Der fo ein tewer haubtman was
Als der mit todt verfchieden war
Fandt man bey jm alfo bar/
Ein morfer vnd ein bratfpiefs
Souiel der gut man hinterm liefs

J ij Alfo

J2^v

Alfo gefchöch noch wol zur zeit
Vnd wo man het getrewe leut/
Diefs trewlich meinten mit eim herrn
Der möcht fich feiner feind erwern/
Aber es hat fich vmb gekert
Vnd ift der teuffel felbs auff erd.

Ende des bechluss.

V. D. M. J. E.

[Holzschnitt]

J3^r

Errata.

Liefs in der vorred in der andern Colu-
mē in der eilfftē zeil/ fur Egipte Egipto.

In der andern zeil darnach fur
Torquinius Tarquinius.

Liefs in der erften gereumten columen in
der achten zeil stet/ jr beftē / liefs jr felten

In dem anderrn bogen/ vnter Tarqui-
nio Superbo/ in der andern zeil/ ftet gen-
dan/ liefs genandt.

Vnter Mittritate auch in den andern
bogen/ in der 6 columen/ in der 15 zeil/
liefs fur Durt/ Furt

In der andern zeil darnach/ fur Fas/
liefs Das.

Gedruckt zu Wittem-
berg/ durch Hans
Frifchmut.